

imago in bonis agendis. Quis enim dicit se in Christo manere, debet sicut et ipse ambulavit et ipse ambulare, hoc est eum imitari, et ideo imago ab imitando scilicet, gloria Dei, ut Deus non ipse vir per omnia glorificetur. Hanc eamdem processionem Dominus designat, ubi ait: *Surge, tolle grabatum tuum, et vade in domum tuqm (Marc. ii).* Surge a vitiis, tolle grabatum tuum, id est, porta a quo portaberis, id est, sicut frater tuus tolerabat infirmitates tuas, sic tu tolera infirmitates fratris tui, et haec faciendo ambula per rectam intentionem in domum tuam, id est, paradisum ut omnia facias propter spem futuræ vitæ. Nemo cum uxore Lot retro respiciat, vel quasi canis ad vomitum redeat, velenum filii Israel in Ægyptum ad ollas mente eat, quis, juxta Veritatem: *Nemo mittens manum ad atrastrum (Luc. ix),* etc. Nunc igitur summatum videamus unde haec processio incipere debeat, et quousque pervenire, vel procedere. Mens igitur lætetur, spiritus exultet, os, lingua novum canticum depromant. Manus sinistra tympanizet, vel citharizet. Dextra manus psallat, imo utraque manu utamur pro dextera, ut omnia interiora et exteriora laudem

A et gloriam Deo concrepent, ut totus homo tendat ad Deum, juxta illud: *Levemus corda cum manibus in cælum, ut qui totum fecit totum possideat (Thren. iii).* Sic igitur procedamus donec occurramus omnes in virum perfectum, in mensuram ætatis plenitudinis Christi obviam Christo in aera. Deus bonus pastor, qui posuit animam suam pro ovibus suis, introducat nos in veram terram promissionis, in terram viventium, quæ fluit lacte et melle. Haec terra viventium est nobis promissa a Christo qui est Dei virtus et Dei sapientia, quam terram dabit nobis in hereditatem, quando manifestabit se nobis ducens ad paternam visionem, ad summi boni fruitionem, ad omnium deliciarum affluentiam. Et nos egredientes et ingredientes pascua inveniemus. Egrediemur per sensum carnis, et pascua inveniemus in lacte humanitatis Christi. Ingrediemur per sensum rationis, et pascua inveniemus in melice divinitatis ejus. Ibi erit æterna satietas, gaudium plenum quod nemo tollerat a nobis, quia æternum hoc erit in fine sine fine, ad quem nos perducat ipse auctor pietatis. Amen.

DE EXTERMINATIONE MALI ET PROMOTIONE BONI.

TRACTATUS PRIMUS.

CAPUT PRIMUM.

*Quid est tibi, mare, quod fugisti; et tu Jordanis, quia conversus es retrorsum? (Psal. cxiii.) Exclamatio est vox ista Prophetæ, cum admiratione; admiratio cum exultatione. Videbat enim divinum quoddam miraculum; nec unum tantum, sed geminum, utrumque magnum, utrumque mirum, utrumque valde stupendum. Videbat mare ante conspectum Israel fugere; videbat Jordanem cursus sui impetu in fontem reflectere; videbat utrumque Hebreos populo cedere et proficiscientibus liberum iter relinquere. Quid horum non novum, quid horum non mirum? Utrumque ita contemplabatur, et ad utrumque mirabatur, et de utroque gratulabatur. Exclamat ergo in voce exultationis et confessionis: *Quid est tibi, mare, quod fugisti: et tu, Jordanis, quia conversus es retrorsum?* Primum miraculum sit in exitu Israel de Ægypto, secundum autem sit in exitu Israel de deserto. Quis mihi tandem aliquando det perfecte deserere regionem dissimilitudinis: quis mihi dare possit introire in terram promissionis, ut æque videre possim fugam maris, et conversionem Jordanis? Pulchrum spectaculum, salisque jucundum videre aquam maris fugientem, videre aquam Jordanis revertentem, amaram redire, dulcem restituere, amaritudinem deficere, dul-*

C cedinem redundare. Quisquis haec vides, miror si non et ipse exclamet: *Quid est tibi, mare, quod fugisti; et tu Jordanis, quia conversus es retrorsum?* Nunquam solent fieri hujusmodi miracula, nisi ante veros Judæos, nisi ante bonos Hebreos.

CAPUT II.

De gemina confessione, et gemina promotione.

Confessio facit Judæum, transitus facit Hebreum. Judeus siquidem confitens, Hebreus transiens interpretatur. Et est confessio vera, et est confessio facta. Similiter est transitus bonus et est transitus malus. Confessio vera facit Judæum verum, et transitus bonus facit Hebreum bonum. Ascribere tibi mala tua, ascribere Deo tuo bona tua, confessio vera, confessio recta. Illa est criminis, ista est laudis; utraque sane utilis, utraque laudabilis. Similiter est duplex transitus; uterque quidem bonus, uterque necessarius. Qui transit de malo ad bonum, bene quidem transit; et qui transit de bono ad optimum, bonum et ipse transitum facit. Cognoscere ergo, et confitente mala tua, et noli in ipsis remanere; sed transi ea, et factus est transitus primus, et confessio prima. Similiter confitente Deo de bonis tuis, lauda ipsum pro bonis suis, et noli torpere in ipsis: sed nitore quantum potes ad meliora, et transi ad optimam, et factus est transitus secundus, et confessio secunda.

Ad confessionem primam solet fieri miraculum pri-
mum et ad confessionem secundam solet fieri mira-
culum secundum. Per confessionem siquidem cri-
minis efficitur fuga maris, et ad confessionem lau-
dis statim convertitur Jordanis.

CAPUT III.

*Quomodo confessio criminis valeat ad exterminium
mali.*

Omuia namque in confessione lavantur: conscientia mundatur, amaritudo tollitur, mare fugatur, tranquillitas reddit, spes reviviscit, animis hilarescit. Siquidem beati qui lugent, quoniam ipsi consolabuntur. Quid est lugere, contristari, nisi maris tempestatis agi? Et quid est gaudium consolatio-
nis, nisi fuga maris et absentatio doloris? Audi Judæum criminis sua consitentem, et attende ante eum aquam maris fugientem: *Dixi, inquit, confitebor adversum me injuritiam meam Domino, et tu remisiisti impietatem peccati mei* (*Psal. xxxi*). Iniquitatem confitebatur, et mare fugabatur, quia impietas remittebatur. Impietas enim mare est, dulcem siquidem aquam facere non potest; sed est aqua ejus salsa valde et multum amara, et amaritudo ejus amaritudo amarissima. Quid, quæso, dulcedinis habet invidia? Quid, obsecro, dulcoris habet iracundia; quid suavitatis impatientia? Hujusmodi, ut arbitror, aquæ quælibet amaræ sunt, et mare faciunt, quia nulli penitus sapere, nemini placere possunt. Vides ne ergo quale sit hujusmodi mare magnum, et spatiostum manibus quod potest appellari malitia. Nam est et aliud quod potest dici miserisæ habens et ipsum quidem minime dulcena aquam, sed minus tamen amaram. Sed felix qui de-
minatur a mari usque ad mare, ut nulli subjaceat culpæ, nulli succumbat poenæ, in tantum, ut non dominetur omnis ei iniquitas, nec eum opprimat ulla adversitas. Felix ante cuius conspectum mare fugit malitia recedit, miseria cedit, conscientia hilarescit. Nunquidnam qui ejusmodi est, fiducialiter psallere non potest? Quid est tibi, mare, quod fugisti? Si vis ergo et tu fac quemdam bonæ professio-
nis Judæum; confitere ex corde peccatum tuum, ut possis et ipse videre tale spectaculum, tam grande miraculum, et psallere non dubites hujusmodi hymnum. Quid est tibi, mare, quod fugisti?

CAPUT IV.

*Quomodo confessio laudis valeat ad promotionem
boni.*

Sed nunc illud consideremus, quomodo ad confes-
sionem laudis soleat fieri conversio Jordanis. Sed hoc melius, ut arbitror, operando quam disputando discimus, hoc citius experiendo quam loquendo probamus. Denique satage et tu confiteri, mirari, venerari Dei potentiam, Dei sapientiam, Dei misericordiam, et certus sis quia, quanto plus laudabis, tanto ardentius amabis. Ne te ergo pigate divinam gratiam multum laudare, ut multum ames; multum amare, ut multum desideres. Quanto euim vehementius desiderabis, tanto citius ob-

A tinebis quod multum concupiscis. Ama quod prius contemnebas, contemne quod prius amabas, et securus sis, quia conversus est Jordanis. Dilige Deum, despice mundum, et vere fatebor quia Jordanis conversus est retrorsum. Qualis, quæso, ita est conversio Jordanis: quam mirabilis, quam laudabilis, quam amabilis, totum impetum amoris, totam inundationem dilectionis, totam affluentiam delectationis, magna cum festinatione currere non deorsum, sed sursum, querere quæ sursum sunt, non quæ super terram; ita ut veraciter proficer possis, quia Jordanis conversus est retrorsum! Hæca causa, ut arbitror, exstitit, cur Prophetam fieri Judæum nec pignus, nec puduit, eo quod veraciter agnoverit quia *Bonum est confiteri Domino, et psallere nomini tuo, Altissime* (*Psal. xci*). Inde est illa firma professio et devota promissio: *Confitebor Domino nimis in ore meo, et in medio multorum luctababo eum* (*Psal. cxviii*). Nonne Judæum se esse voluit, cum dixit: *Lauda, anima mea, Dominum!* (*Psal. cxlv*.) Nonne aquam Jordanis deorsum fluere prohibuit cum animam suam blanda allocutione admonuit? *Spera in Deo, quoniam adhuc confitebor illi, salutare vultus mei, et Deus meus* (*Psal. xlvi*). Nonne Jordanis fluente converti desideravit, cum ait: *Convertere, anima mea, in requiem tuam, quia Dominus beneficit tibi* (*Psal. cxiv*). Miror si hoc audies, et ipse non ambis fieri Judæus, et confiteri Domino, quoniam bonus, quoniam in sæculum misericordia ejus, et inveniaris dignus, cui dignetur Dominus ostendere tam grande miraculum, ut cum Prophetæ psallere possis; quia Jordanis conversus est retrorsum.

CAPUT V.

*Quod prima promotio virtutis sit in contempla-
mundi.*

Sed nec illud, quæso, tibi satis, cum fueris Judæus, nisi efficiaris pariter et Hebræus. Profecto idem ipsi Hebræi, qui et Judæi, licet ex alio Judæi, et ex alio Hebræi. Nam confessio, ut dictum est, Judæum, et transitus efficit Hebræum. Denique et tu ipse, si in *Ægypto* es, transi, et desere *Ægyptum*, et fecisti quenamda bonæ spei Hebræum, et videbis in fuga maris magnum illud et stupendum miraculum. Sed, si ipsum etiam desertum transire studueris, videbis adhuc majora his in conversione Jordanis. Primus ergo transitus est de *Ægypto*, secundus de deserto. Primo transei de mundo ad te ipsum, secundo de te ipso in Deum, Mundum amasti, mundum despice, et transi. Desera euras sæculi, et age curam tui, et incipis esse cultor eremi. Rediens de *Ægypti* tenebris, de erroribus mundanis ad secretiora cordis, nihil aliud invenies, nisi locum horroris et vastæ solitudinis. Hæc est enim terra illa deserta, invia, et inaquosa, conscientia videlicet diu neglecta, omnino inculta, spinis et tribulis obsita, et omni horrore plena. Oportet ergo te *Ægyptum* deserere, et hujusmodi eremum petere, si cupis fugam maris oculis tuis aspicere, sicut et David elongavit fugiens, et mansit in solitudine, in-

ple prævaricator, quod prævaricatoribus præcipitur, ubi dicitur : *Redite, prævaricatores, ad cor (Isai. xlvi), et factus est transitus primus, et de cetero recte appellariis Hebræus.*

CAPUT VI.

Quod secunda promotio virtutis sit in contemptu sui.

Redi ergo ad te ipsum, et omni custodia custodi cor tuum. Sed vœ tibi, si remanes ibi. Noli remanere, sed transi pergens, et pertransiens in locum tabernaculi admirabilis, usque ad domum Dei. Transi ergo ad te ipsum, perge in Deum tuum, quære et apprehende summum bonum. Audi illam qui clamitat in plateis; ausculta vocem Sapientiae, ad hunc secundum nos transitum admonentis : *Transite ad me, inquit, omnes qui concupiscitis me (Eccl. xxiv).* Desere mundum, et factus est transitus Israel de Ægypto. Contemne te ipsum, et factus est transitus Israel de deserto. Primum ergo transitum facit contemptus mundi, secundum transitum efficit contemptus sui. Ad primum transitum mare fugatur. Ad secundum transitum Jordanis convertitur. Fuga maris exterminatio amaritudinis. Conversio Jordanis reordinatio charitatis.

CAPUT VII.

Quomodo per contemptum mundi fiat exterminium mali.

Vis apertius audire, plenius nosce quomodo ad primum transitum Hebreorum, qualiter ad mundi contemptum fiat fuga maris, amaritudinis exterminium. Statim absque dubio ut Ægyptum deserueris, ut mundum post te totum rejeceris : perit causa timoris, causa doloris, radix amaritudinis (radix siquidem omnium malorum cupiditas). Cum enim poteris mundum plene evadere, cum cooperis nulla ejus prospera concupiscere, nulla ejus adversa pertimescere, quid jam erit quod tuam mentem poterit perturbare? Quid, quæso, rectius in fuga maris accipimus, quia nullis fatigari perturbationibus? Denique non turbetur cor vestrum, neque formidet, et mare ante conspectum nostrum fugiens abiit et recessit. Puto quia mare non jam erit amplius quando absterget Deus omnem lacrymam ab oculis sanctorum, quando jam non erit amplius neque luctus, neque clamor, sed nec ullus dolor, quoniam priora transierunt. Quid enim est timor et tremor et mœror, nisi aquæ maris amaræ nimis, omnisque omnino expertes dulcedinis? Venit in altitudinem maris hujusmodi Propheta, ni fallor, cum diceret : *Timor et tremor venerunt super me (Psal. liv).* Et illud : *Tribulatio et angustia invenerunt me (Psal. cxviii).* Mare hujusmodi offendunt quotquot Ægyptum deserunt, desertum petunt, promissionis terram concupiscunt. Oportet enim nos per multas tribulationes transire in regnum Dei.

CAPUT VIII.

Quod contrito animi nunc sit in adjutorium, nunc ad firmamentum boni.

Hujusmodi mare alii habent ante se, alii autem post se. Qui autem ante se habent, est eis ad impe-

dimentum; qui juxta se habent, est eis in adjutorium; qui post se habent, est eis ad firmamentum. Sic itaque Israëlitici Ægyptum deserentes, desertum intrare volentes, et ad promissionis terram suspirantes, prius habuerunt mare ante se ad impedimentum protectionis; post habuerunt juxta se in adjutorium defensionis, quando erat eis pro muro a dextris et sinistris; tandem habuerunt post se in firmamentum securitatis, inimicis corum ab eo submersis seu interclusis. Ante nos futura, juxta nos præsentia, post nos præterita. Mare ante nos, timor futurorum periculorum est. Mare juxta nos, labor incumbentium certaminum est. Mare post nos, dolor perpetratorum malorum; mare ante nos, timor pusillanimitatis; mare autem juxta nos, labor sollicitudinis; mare post nos, dolor pœnitudinis. Timor pusillanimitatis impedit; labor sollicitudinis munit; dolor pœnitudinis protegit. Alius aliorum vitam considerans et studium, cum videat multos etiam post professionis votum reverti ad vomitum, redire ad sæculum, nec saltem audet inchoare bonum, iste ante se mare habet, sed ad impedimentum. Quid enim est cordis trepidatio, mentis hæsitationis, nisi quædam quasi maris fluctuatio? Qui enim hæsitarerit, similis est fluctui maris, qui a vento movetur et circumfertur. Alius hunc timorem viriliter calcat, maris fluctuationes ante se fugat, cordis sui trepidationem castigat, ad toleranda pro Domino quælibet pericula animum fortiter præparat, et pro hac parte psallere non dubitat, mare vidit et fugit, eo quod omnis inutilis trepidatio ante ejus conspectum fugiat atque discedat. Sed, quia sollicitus est, adhuc quomodo debeat vel bonorum negligentiam cavere, vel malorum subreptionem declinare, pasitur quidem mare, quamvis non ante se, in utroque tamen latere, eo quod oporteat hinc ad bona, illinc contra mala constanter agere, multum laborare, et utrobique sollicitum esse. Sed felices illi quos jam virtutum exercitia, laborum certamina, non tam fatigant quam delectant, qui licet solum plangunt, quod tot anteaactæ vitæ tempora, vel in iniuitate consumpsérunt, vel in vanitate perdidérunt. Qui hujusmodi est, mare post tergum se habere ostendit, sicut ille, qui dixit : *Recognabo tibi omnes annos meos in amaritudine animæ meæ (Isa. xxxviii).* Quis autem dubitet hujusmodi hominibus mare post tergum relictum esse, ad tutissimum firmamentum, et subversionem inimicorum? Solet enim amaritudo pœnitentiae non solum perpetrata mala satisfaciendo delere, verum etiam illud in nobis consuevit efficere, ut quæ non licet, nec libeat repetere.

[CAPUT IX.

De utili et inutili contritione.

Consideremus et illud quomodo hic maris aqua, amaritudinis unda aliis sit extra viam, aliis in via. Quis dubitet hanc vitam esse viam ad vitam futuram? Alius dolet pro his quæ sunt præsentis vitæ, aliis pro his quæ sunt vitæ futuræ. Qui pro his do-

let, quæ sunt in hac vita, huic est mare in via. Qui pro illis dolet, quæ sunt extra hanc vitam, illi est mare juxta viam. In hac vita, et bona et mala; in illa vita, aut sola bona, aut sola mala. Itaque quæ nulla sunt, multum a se differunt, et nulla se similitudinis vicinitate contingunt, eo quod inter ea chaos magnum firmatum sit, in quibus aliqua consimilis qualitatis proportio reperiri non possit. Sed hæc vita inter illa quæ futuræ vitæ sunt, bona sed mala quasi media interjacet, eo quod ad ultraque seu hinc seu inde aliqua similitudine appropinet, quæ bona et mala permista habet. Illius igitur vitæ bonis honorum suorum (quamvis umbratili similitudine jungitur, sicut et vitæ illius malis, malorum suorum) imaginaria affinitate sociatur. Extra ergo hanc viam sunt, quæ post hanc vitam occurrunt. Extra quidem, et iuxta non solum qualitatis similitudine, sed temporis cohæsione. Statim ut ista deserimus in illa absque mora incidimus. Qui igitur pro his timet, dolet et plangit mœroris undam, amaritudinis affluentiam, quasi maris aquam iuxta decursus sui viam effundit.

CAPUT X.

De gemina cordis compunctione.

Mœror pro nobis æternis, mare est a dextris; mœror pro malis æternis, mare est a sinistris. Sane si sanæ mentis sumus, pro utrisque debemus timere, dolere et amaris compunctionis lacrymis affluere. Ista timeamus amittere, illa timeamus incurvare, et habemus geminum mare muniens nos fortiter, et ab utroque latere. Recite, ut arbitror, mare, quod in via occurrit, quod perfectionis nostræ iter impedit, quod profectus nostri cursum intercludit, justæ severitatis virga percutimus, divinæ distinctionis consideratione terremus, futuri examinis recordatione amoveniamus. Omnis ergo metus noster, omnis mœror noster amoveatur a via, et pro vita inutili, mundanæ vitæ sollicitudine compunctionis nostra dividatur ad gemina, ut per timoris mœrorem mala diluvianus æterna et per desiderii lacrymas, bona mercomur æterna. Felices qui et hoc geminum duplicitis mœroris mare pertranseunt, qui omnem futuræ expectationis ambiguitatem, et, metum, longe post tergum relinquunt, et universum diffidentiae luctum certæ spei securitate transeunt, utilitatem et in nobis absorbeantur hujusmodi metus et mœror a supervenientis fiduciae securitate! Fugiat atque discedat etiam hujusmodi mare, ut possimus et nos cum Propheta psallere: Quid est tibi, mare, quod fugisti? Nonne mare putamus de juxta, illud ausfugerat, qui dicebat? Bonum certamen certavi, cursum consummavi, fidem servavi, de reliquo reposito est mihi corona justitiae, quam reddet mihi in illa die justus judex (II Tim. iv). Puto quia mare omne longe post tergum reliquerat, nec erat unde jam contristari et confundari debuerat, cun dicebat: Nihil mihi conscius sum.

CAPUT XI.

De raro vel vero mundi contemptu

Sed quid, quæso, illud esse dichiurus, quod usque

A hodie tam multos videmus Ægyptum deserere, qui non merentur tamen in maris effigio tam grande miraculum cernere? Si vere Ægyptum deserunt, si veri Hebrei sunt, eo quod de mundo transeant, et primum Hebreorum transitum faciant, cur et primi saltem miraculi experimentum non capiant? An forte relinquunt sæculum professione, non autem et conversatione, habitu, non affectu? Si gloriari oportet, possum pro hac tantum parte gloriari. Si quidem Hebrei sunt, et ego. Sed videte ne forte non sufficiat nobis et vobis mutasse locum non animam, sæculum non animum mutant, qui trans mare currunt. Quid sic juvat transire et Hebreum non facere? Absque dubio in exitu Israel de Ægypto profugium maris indicat, quam recte sibi quisque hujus vocabuli dignitatem vindicat.

CAPUT XII.

Quam sit difficile ad perfectum sui contemptum pertingere.

Transeamus ex Ægypto corpore, transeamus et corde. Sed neque hoc putemus nobis posse sufficere. Grandis enim adhuc nobis restat via, si ad secundi miraculi visionem volumus pertingere. Procul dubio non est ejusdem facultatis, seu facilitatis Ægyptum exire et eremum pertransire, mundum relinquere, et scipsum vincere, et post seipsum projicere. Illud quasi modicum, quod modico tempore perficitur, hoc post multos labores, per multas tentationes vix tandem aliquando et a paucis consummatur. Illud unius diei est opus, hoc vix post multa tempora explemus. Durum, difficile, grande, seipsum relinquere bene inspicere et plene desplicere, perfectè probare et penitus improbare. Hic labor, hic genitus. Pravum est cor hominis et inscrutabile, et quis cognoscet illud? Filii hominum, usquequo gravi corde, dura cervice et indomabili corde, et quis vincet illud?

CAPUT XIII.

Quibus modis mens ad plenum sui contemptum eruditur.

O quoties necesse est loca mutare, quam sepe castra figere, quot temptationes tolerare, omnia probare, quod bonum est tenere, abstinere ab omni specie mala! O quoties necesse est ire et reverti, et quæ retro sunt obliisci, et in anteriora extendi, et item post tergum redeundo capere experientiam sui, et per proprium defectum propriam infirmitatem edoceri! O quoties necesse est in tot errorum devia, tot ambiguitatum opaca, tot viliorum monstra incidere, perlustrare, aspicere, antequam quis, extrema creni teneat, et ad humilitatis ultima perveniat, et ad summum sui contemptum perfectè attingat! O quoties necesse est ad Dei misericordiam confugere, et inter tot pericula deprehensum divinam misericordiam querere et gratiam impetrare! O quam stupenda magnalia! O quam jucunda miracula! O quam admiranda beneficia, in tot divinis revelationibus, in tantis visitationibus, in talibus consolatiōnibus, experiuntur, mirantur, venerantur, que-

eremi vastitas, et propriæ infirmitatis magnitudo docuit, nil de sua virtute considerare, sed totum de Dei pietate præsumere, jactare in Domino curam suam, et ponere in Domino Deo spem suam! Ibi experiri licet in cœlestis cibi dulcedine, quam magna multitudo dulcedinis, quam abscondit Deus diligentibus se, gustare et videre quam suavis Dominus, et quam bonus Israel Deus, his qui recto sunt corde. Ibi qui ascendunt in montem Domini, et appropinquant pedibus ejus, accipient de doctrina ejus probantes et profientes quoniam magna virtus ejus et sapientia ejus non est numerus. Novit itaque hoc quicunque in illa terra deserta et in aquosa, sic in sancto apparuit ei, ut videret virtutem suam et gloriam, illius sententia experimentum capiens, quoniam magnus Dominus, et laudabilis nimis, et magnitudinis ejus nou est finis. Sed quis enumerare sufficiat quam innumera hujusmodi alternantium vicissitudinum nunc desolationum, nunc consolacionum experiri oporteat, quam multa humanæ infirmitatis judicia, quam multa divinæ pietatis argumenta eremi habitatoribus, Deique cultoribus videre contingat, antequam eremi extrema attingant, perfectæque humilitatis metas apprehendant, antequam Jordanis unda venientibus cedat, cursumque retorquens in fontem redeat, humanusque animus sua spernens, seseque contemnens totus in Deum transeat, et in illum a quo omne datum optimum, et omne donum perfectum per desiderium currat, et ad Deum fontem vivum totum amoris sui impetum retorqueat.

CAPUT XIV

Quod superflus amor sui inter successus virtutum difficultus vincitur.

O felix anima quæ digna es pro qua dignatur Dominus tam grande miraculum facere; cui liceat tale spectaculum videre, aquas quæ inferiores sunt, et quilibet desideriorum fluenta quæ ad ima tendunt decurrere, atque defiscere aquas quæ desuper veniunt, desideria quæ desursum sunt in una mole consistere, ita ut veraciter possit psallere: *Unam petui a Domino, hanc requiram, ut inhabitem in domo Domini omnibus diebus vitæ meæ* (*Psal. xxvi.*) O infelix anima quæ tardas, quæ non festinas, quæ multum non anhelas currere et videre mirari, et obstupefcere fluentia Jordanis primo cursum figere, in uno loco stare; et in uno æternitatis desiderio immobiliter inhaerere, postea in inferioribus penitus dellere, et in superioribus paulatim crescere. Quid putas, obsecro, miraculi, quid esse prodigii Jordani retroagi, et tantum fluminis impetum in superiora reverti, præsertim si tempore messis fiat, quo solet implere ripas alvei sui? Cum enim coepit semper illud quod cecidit in terram bonam producere de se fructum, aliud tricesimum, aliud sexagesimum, aliud centesimum, solet nimis eo tempore Jordanis unda altius intumescere, et ut est humani animi, magna de se æstimare, magnum se aliquem credere, cum viderit se multum fructum facere, et

A ad maturitatis messem pervenire. Tunc, non mirum, quo majora de seipso æstimat, eo majori dilectione dignum se esse judicat, magnumque est valde si non usque ad superfluitatis in ima effluat, et justæ æquitatis metas utilitatisque ripas non excedat. Quantum ergo putas, quanum magnum miraculum existimas tibi ipsi vilescere, tibi ipsi magis magisque displicere, eo præcipue tempore, cum incipis veraciter magnus esse, magnusque omnibus apparere? Solent sane, sed neque hoc mirum est, tempore glacialis frigoris, seu etiam æstivi fervoris siccitate Jordanis aquæ minui atque decrescere: et quamlibet elata mens, inter malitia frigus et nimios concupiscentia æstus sibi ipsi vilescere, et, quamvis invita, infirmitatem suam recognoscere, et a sua doce æstimatione non modicum detumescere. Quis, quæso, tam immane desipiat, qui sibi ipsi inter sceleram et flagitia quandoque non displiceat? Sed illud magnum erit, si in tempore messis, et inter virtutum successus possit Jordanis undas intra alvei sui ripas includere, et amoris privati impetum intra modestia metas cohibere. Magnum eritis non erumpat ad illicita, vel effluat ad inutilia. Magnum erit si nec seipsum diligit nisi quantum convenit, vel expedit. *Jordanis autem, inquit Scriptura, ripas a'eci sui tempore messis involeverat* (*Josue viii.*) Impleverat inquit, non excesserat. Noxium ergo, ut puto, non erit ripas implere, sed ripas excedere.

CAPUT XV.

Cummodo gradatim animus ad sui contemptum esse promovendus.

Primum ergo est cuique amorem sui ad certam mensuram restringere, ut postmodum mercature etiam magnum illud et stupendum miraculum videre, Jordanem videlicet primo quidem cursum figere, deinde intumescere, tandem retro ire et ad aliora ascendere. Et illud quidem primum, cohibere videlicet excessum etsi magnum, non tamen mirum; sed ad montana cursum reflectere, mirabile spectaculum et spectabile miraculum. Omnino et absque dubio aliud est amorem sui temperare, et aliud est suspendere atque deflectere. Aliud est moderatus amor sui, et aliud magnus contemptus sui. Puto non sine causa nonnisi in Jordane celebratum est tale miraculum, quod interpretatur *descensio eorum*. Sed quæ est ista descensio nisi cordis humiliatio? Vel quorum eorum, nisi ipsorum descendantium et sponte humiliantium? Quorum enim descensio voluntaria non est, in ipsis quidem est, sed eorum quodammodo non est; quia ipsis non prodest. Oportet ergo ut spontanea sit, ut eis prosit, et eorum veraciter dici possit. Nunquid sponte descendisse, vel in hoc quidquam profecisse creduntur de quibus legitur: *Dejecisti eos dum allevarentur?* (*Psal. lxxxviii.*) Oportet ergo ab omni mentis elatione descendere, et humiliari spontanea voluntate qui vult magnum illud miraculum videre, non sicut illi invitati dejecti, ad laudem quidem Dei, quamvis ad nullam utilitatem sui. Fit ergo in Jordane tantum in descensione

eorum, in descensione descendantium, in humilia-
tione humiliantium tam celebre factum et cœleste
miraculum. Quanto ergo major es, humilia te in
omnibus, et tenes ripas Jordanis : dignus cui Jordani-
nis cedat, cui Dominus miracula ostendat.

CAPUT XVI.

*Quomodo raro amore exhausto animus in Dei amore
dilatatur.*

Vis videre aquas Jordanis corsum diligere, et in uno
loco stare? *Mihi autem, inquit, adhucere Deo bonum
est; ponere in Domino Deo spem meam* (Psal. LXXXII). Vis videre aquas inferiores decurrere atque deflu-
cere? *Renuit consolari anima mea* (Psal. LXXXVI). Vis videre aquas superiores intumescere et sursum
currere? *Quemadmodum desiderat cervus ad fontes
aquarum, ita desiderat anima mea ad te, Deus* (Psal.
xli). Denique et tu non eas post concupiscentias tuas
et fixisti aquas. Noli diligere mundum, nec ea quæ
in mundo sunt: et defecerunt aquæ inferiores quæ
deorsum currunt. Denique delectare in Domino, et
videbis fixas stare in uno loco. Diligas Dominum
Deum tuum ex toto corde tuo, et ex tota anima tua,
et ex tota mente tua, et videbis aquas vehementer
intumescere, et in magnam, nec mirum, mo-
lem consurgere. Puto te non invenire quo eas
latius expandas, quam ut toto corde diffundas, et
per totam animam extendas, et ex eis totam men-
tem repleas. Ó quam vehementer hæc salutaris unda
intumuerat in ejus pectore qui dicebat: *Cupio dis-
solvi, et esse cum Christo!* (Philipp. viii.) In hanc
illud sententiam currit quod Propheta psallendo de
scipso pronuntiavit: *Defecit in salutare tuum anima
mea* (Psal. cxviii). Sed qualis, quæso, erat illa aqua-
rum inundatio ubi pater exclamare cogitur pro par-
ricida filio? *Absalon fili mi, fili mi Absalon: quis
mihi det ut ego moriar pro te, fili mi Absalon?* (II Reg.
xxix.) Puto locum reperiri non posse, quo se pos-
sent latius expandere. Majorem siquidem charitatem
nemo habet, ut animam suam ponat quis pro amicis
suis. Sic et illa inundatio intumuit non modicum,
de qua habemus Dominicum testimonium: *Dimissa
sunt ei peccata multa, quoniam dilexit multum* (Luc.
vii). Quid mirum, quæso, si procul apparebant quæ
multum tumuerant? Vultis nosse quam procul ap-
pareat illius dilectionis inundatio quæ tantum æstua-
bat, quæ se et usque ad pedum deosculationem
unctionemque inclinabat: *Amen dico vobis, ubicun-
que prædicatum fuerit hoc Evangelium in toto mundo,
dicetur, quod et hæc fecit in memoriam ejus* (Matth.
xxvi). Vultis autem adhuc apertius nosse quam pro-
cul apparere possint, si tamen ad instar montis
intumuerint? *In hoc cognoscent omnes quia mei estis
discipuli, si dilectionem habueritis ad invicem* (Joan.
xiii). Quam longe, obsecro, apparet quod omnes
cognoscere oportet? Sed necesse est, uti jam diximus,
veræ charitatis fluenta ad instar montis intu-
mescere quæ volunt tam-procul apparere. Sed forte
adhuc montem queris, ad cuius similitudinem aquas
intumescere legis. Vide ne forte sit ille mons coa-

A gulatus, mons pinguis, mons domus Domini præparatus in vertice montium, eo quod Dominus exalta-
verit illum, et donavit illi nomen quod est super
omne nomen, ut in nomine Jesu omnem genuflecta-
tur, cœlestium, terrestrium et inferorum. Ad instar
hujus montis, ad similitudinem illius magna mira-
bilisque dilectionis, qua animam suam posuit pro
ovibus suis, aquas intumescere debere cognoscat
qui eas procul apparere, et Dominicum præceptum
implere desiderat: *Hoc est præceptum meum, ut
diligatis invicem, sicut ego dilexi vos* (*ibid.*). Audi si-
militudinem et adhuc imitationem. Sicut dilexi
vos, inquit. Similitudo dilectionis est instar montis.
Quantum amat nos, qui mortuus est propter nos?
Nunquidnam hujus montis similitudinem in sua di-
lectione non tenuerunt qui pro Christo lapidati sunt,
seculi sunt, tentati sunt, in occidente gladii mortali
sunt? Idcirco, ut arbitror, in omnem terram exivit
sonus eorum et in fines orbis terræ verba eorum,
ut apparerent procul, ut ab omnibus videarentur, et
illos omnes imitarentur. Sed quid, quæso, miramur
si procul apparuerunt aquæ, quæ, sicut scriptum est:
Usque ad Sartan intumuerunt? (*Josue iii.*) Sartan in-
terpretatur *tribulatio eorum*. Tribulatio autem eorum
quid est aliud, secundum quod de Jordane jam dixi-
mus, nisi tribulatio tribulatorum? Tribulatio autem
voluntaria cuique est sua. Quam enim quisque
patienter seu etiam libenter suscipit, suam esse fa-
cit; quia suæ eam utilitati deservire cogit. Sicut ergo
descensio, descensio eorum est qui se sponte
humiliant, sic et tribulatio, tribulatio eorum est qui
pro Domino tribulationem amant. Illa itaque tribu-
latio est tribulatorum, quæ tribulatis imputatur ad
meritum. Vide ergo aquæ illæ quæ superiores erant,
quantum creverant, quantum tumuerant, quæ se
et usque ad Sartan extenderant. O fortis ut mors
dilectio, quæ et te usque ad Sartan extendis, et
usque ad voluntariam tribulationem sinum tuum
expandis? Qualis, quæso, est ista dilectionis dilata-
tio, qualis est ista aquarum inundatio, cor suum
extendere et dilatare usque ad voluntariam tribu-
lationem, usque ad spontaneam passionem, usque
ad votivam mortem? Ne dubites ergo se in id loci
extendisse aquas superiores, quoties vides in tribu-
latione gaudentes, et suam propter Dominum tribu-
lationem amantes, sicut ibant apostoli gaudentes a
conspicu concilii, quoniam digni habiti sunt pro
nomine Jesu contumeliam pati.

CAPUT XVII.

De vani amoris defectu, et veri amoris profectu.

Ergo aquæ superiores usque ad Sartan ascendunt,
et aquæ inferiores usque ad mare descendunt. Ille
ascendunt et crescunt, iste descendunt et decre-
scunt. Ille crescunt et intumescunt, iste decre-
scunt et deficiunt. Pulchrum spectaculum aquas
superiores circa Sartan intumescere et aquas in-
feriores in mari deficere. Hic intende et obstupesc.
Hic intende diligenter, et obstupesc vehementer.
Elige in his tam magnis tamque mirandis quid

prius, quid amplius mireris an aquas in montanis non defluere sed intumescere, an aquas ex aquis non intumescere sed desicere. *Aquaæ autem, inquit Scriptura, quæ inferiores erant in mare solitudinis, quod nunc vocatur mortuum, descendenter usquequo omnino deficerent (Josue iii).* Quæ ergo inferiores sunt, necesse est in mare descendere, et in mari desicere. Scimus autem quia aquæ quantumlibet dulces sint, quoniam, cum in mare pervenient, dulcedinem suam servare non possunt. Quæ ergo in mare descendunt, cito amarescunt. *Ritus, inquit, testor vertatur in luctum, et gaudium in moerorem (Jac. iv),* hoc est dulcem aquam in mare descendere et dulcedinem amittere et dulcem in amaram vertere. Ritus sane et gaudium dulcem aquam facit, et hujusmodi quamlibet quam ardenter sit, tam libenter unusquisque et bibt. Sed luctus et moeror dulcem facere non possunt, nec hujusmodi bibere homines facile volunt. Quoties risus in lucrum vertitur, toties aqua inferior in mare labitur et in amaram mutatur. Neque enim risus ad superiores aquas pertinere potest de quo ab ore veritatis dictum est : *Væ vobis qui nunc ridetis, quia plorabitis. Quid ergo est inferiores aquas in mare decurrere atque desicere, nisi carnales et infirmas delectationes in dolorem trahere, et pœnitendo extinguerre ? Qui enim de perpetrata delectatione plangit et gemit, qui supervenientem horret et respuit, qui futuram timet et declinare satagit, quid aliud quam dulcem sibi in amaram vertit ? Hoc itaque, hoc, inquam, est quod superius mirabamur, quod adhuc usque miramur, dulcem in amaram vertere, gaudium deflere, delectationem dolere, et in hunc modum dulcem in mari desicere. Ergone aquæ circa Sartan intumescunt, ergone aquæ in mari deficiunt ? Sicne, homo, de tribulatione lætaris ? Sicne, homo, de delectatione turbaris ? O mirum, o stupendum ! In voluntaria tribulatione gaudia cumulantur, occurstantes delectationes dolore spontaneo exterminantur.*

CAPUT XVIII.

Quomodo per vani amoris defectum mentis perturbationes deficiunt.

Sed quid, quæso, hoc sibi vult quod vocatur mare Mortuum, in quo contigit tam celebre factum ? Quid, quæso, tale nomen accepit ? Nam, quod prius non habuerit ex eo Scriptura satis innuit, quo ait : *Mare solitudinis, quod nunc vocatur Mortuum (Josue iii).* Puto quia non omne mare solitudinis, nec omnis amaritudo desolationis, imo hoc ipsum mare de quo modo loquimur haud digne tali nomine censetur; nec debet dici mortuum nisi forte in illo contingat prædictum miraculum. Scimus quia quod mortuum est omnino se mouere non potest, forte hoc mare postquam incidens unda defecit, postquam influentem et impellentem gurgitem non habuit, a suo fervore defecit, et tumentes illas atque ebullientes fluctuationum suarum procellas amisit. Impetus siquidem influentes Jordanis cursusque rapi-

A dissimus illapsu suo vehementissimo ipsum impellebat atque exagitabat, et tranquillum, et quietum esse penitus non sinebat. Ibat ergo tunc temporis tumens et spumans et multum exsustans, et quasi ad commotionis et inquietationis sue injuriam vehementer indignans. Sed postquam cœpit influens inundatio desicere, et commotionis causa perire, cœpit et ipsum mare ab illa sua procellosa exagitatione quiescere, et quasi mortuum motum pristinæ inquietationis amittere, et nomen mutare. Sic nimirum, sic torrens voluptatis carnalis et vehemens impetus carnis, quandiu viget, solet esse causa tumoris et indignationis. Solet sane conscientiam totam turbare, amaritudinis fluctus exagitare, et profundissimam illam humani cordis abyssum ab imo evertere, et magnum illud mare magnis tempestibus agitare. Mens siquidem cœlesti desiderio servens, puritati studens, et ad perfectionem tendens, quandiu turpes delectationes ex carnis impetu sentire cogitur, necesse est infinitis desideriis, et ad ima fluentibus reluctetur. Hinc est quod sibi irascitur, quod sibi indignatur, adversus seipsam sœvire videtur, puto quia hujusmodi perturbatio et tumultatio, vehemensque fluctuatio non facit mare mortuum, sed vivum, sed validum, sed inquietum. Sed postquam cœperint inferiores aquæ decurrere atque desicere, et infimarum delectationum fluxus languescere atque evanescere, incipit et conscientia pariter ad pacem et tranquillitatem seipsam prælatim componere, futuri judicii metum magis magisque depolare, et illas præteritæ indignationis et anxietatis aestuationes amittere, ad mortui similitudinem trepidationis et perturbationis motum non habere. In hunc itaque modum carnalis voluptatis profluviū exhaustum atque exsiccatum, penitusque absumptum facit mare invalidum, et infirmum, et tranquillum, et quod jure debeat dici, mortuum. Vides certe, ut arbitror, quam recte mare suum nomen mutavit, mortuisque nomen concepit, in quo inferiorum decursus aquarum decidit atque deficit.

CAPUT XIX.

Cum qua cautela debeamus cordis perturbationes delere. |

Notandum autem quomodo mare hoc debeat juxta aliquid permanere, et tamen secundum aliquid mortuum esse : nam semper necesse est de perpetratis malis pœnitere, odio et detestatione persegni et perhorrescere, non tamen illa semper deflere et trepidare, sed post dignam satisfactionem et concupiscentiam edomitam, consolationem recipere, et ad spem venie securitatisque quietem animum reformatum. O vere felix multumque beatus, cui datum est cordis perturbationes et tristitia tempestates compescere, et magnas illas et mirabiles elationes maris ad tranquillitatem componere ! Unum scio, nec dubitare audeo, quia quandiu amor ad multa spargitur et ad ima derivatur, nunquam ad plenam pacem perducitur, nunquam ad vere securitatis tranquillitatem serenatur. O anima infelix et misera,

usquequo sollicita es, et turbaris erga plurima? porro cum unum sit necessarium, tandem aliquando dilige desiderium, dilige unum. Felices illius civitatis cives, cuius participatio in idipsum. Congregentur aquæ quæ sub cœlo sunt in locum unum, noli si- nere eas fluere deorsum. An nescis quia qui dimittit aquas suas caput est jurgiorum? Quid per ima de- sideria defluis? Quid tibi cum bonis perituris, gau- diisque lugendis? An nescis quia omnis aqua quæ deorsum currit, in mare descendit? Omnia siquidem lumina intrant in mare, et omnis insima delectatio desinit in dolore. Risus enim dolore miscebitur, et

A extrema gaudii luctus occupant, eo quod omnis dulcis aqua in mare descendat, et dulcedinem amittat: transit enim mundus, et concupiscentia ejus. Et scimus quia sine dolore non relinquitur, quod cum amore possidetur. Quanto ergo melius est quæ sursum sunt sapere, quæ sursum sunt querere, et Jordanis fluenta in suum fontem retrorquere, ut audeamus et nos illam congratulationis vocem in usum nostræ confessionis assumere? Quid est tibi, mare, quod fugisti; et tu, Jordanis, quia conversus es retrorsum?

TRACTATUS SECUNDUS.

Ab hoc loco agitur de studio contemplacionis, et quomodo vel quantum valeat ad reformationem veri amoris.

CAPUT PRIMUM.

Sed nec illud hoc in loco prætereundum puto, qua arte, quave industria effici valeat, ut se ultra Jordanis convertat, et spontaneo nutu in suum foatem recurrat. Aliud siquidem est nosse quid expeditat, vel quid fieri oporteat, et aliud non ignorare quomodo obtinere valeas quod utile, seu etiam necessarium fore non dubitas. Quis non desperet tanti fluminis impetum posse in montana convertere? Quis, inquam, præsumat naturalem illum humanæ affectionis cursum rapidissimum, impetumque ad ima vehementissimum, posse cohibere, et in contraria deflectere, nisi artem accipiat qua se illud speret efficiere? Denique cursum aquæ defluentis præpeditum saepè audivimus, frequenter et vidimus, neque hoc impossibile judicamus. Nam aliud est in necessariis appetitus, et in naturalibus affectibus saepè consensum cohibere et aliud affectionem mutare et humanæ concupiscentiae profluvium in virtutum montana convertere, et spontaneo quodam intimi amoris nutu contra morem in supercœlestium desideriorum concupiscentias assurgere. Parum ergo puto meam vel cuiusque hominis inde proferre sententiam, discamus ab eo qui docet hominem scientiam. Audiamus itaque quid nobis in hoc negotium proponat, vel quid in rei exitum promittat. Cum posuerint, inquit, vestigia pedum suorum sacerdotes qui portant arcum foederis Domini Dei universæ terræ, in aquis Jordanis, aquæ quæ inferiores sunt decurrent atque deficient; quæ autem desuper veniunt in una mole consistent. Oportet ergo, ut audimus, arcum foederis Domini præsentem habere, si concupiscimus inferiores aquas deficere, et superiores in una mole consumsgere. O felices qui eam, etsi non semper, verumtamen frequenter præsentem habere possunt, in cuius præsentia tam magna, tamque jucunda miracula fiunt. Sed quæ est ista, queso, arca foederis,

Bnisi forte illa divinorum donorum prærogativa gratia, videlicet contemplationis? Quæ est illa arca deaurata, nisi humana intelligentia cœlestis sapientiæ fulgore splendida et divinæ inspirations luce irradiata? Quid rectius intelligimus per illud venerabile sacrarium et sacrorum divinorum reconditionum, quam spiritalem spiritalium virorum intellectum, qui secretorum divinorum sacraitora et sapientiæ arcana et per intelligentiam capit, et per memoriam custodit? Scd quid illud dicimus quod hæc arca dicitur fœderis arca? Nunquid nam dare solet hanc tantam gratiam in signum dilectionis et pignus charitatis, qui diligit diligenter se, et suo dignos efficit amore, intantum ut ab illo mereantur audire: Jam non dicam vos servos, sed **C**amicos, quia omnia nota fecit vobis quæ audivi a Patre meo? (Joan. xv.) Hæc itaque arca non semper præsens habetur, quia contemplationis gratia etiam ipsis quandoque subtrahitur quibus eam secundum tempus habere conceditur. Arcam ergo præsentem habemus, quando ex inspirante gratia radium contemplationis accipimus. Arcam istam nobiscum portamus, cum divinæ contemplationi diligenter insistimus, et studio sapientiæ salutaris per investigationem seu retractationem vehementer interdimus.

CAPUT II.

*Quomodo investigatio et retractatio salubrium valeat
ad corrigendum animum.*

Isti etenim sunt, ni fallor, arcæ nostræ bajuli,
D quibus solet vel in alta sustollî, vel in anteriora de-
ferri, ignororum, scilicet investigatio et cognitorum
retractatio. Sine his etenim cito aut deorsum labi-
tur, aut retrorsum repellitur. Sine retractatione si-
quidem ab oblivionis lapeu non custoditur, et sine
investigatione ad cognitionis profectum nunquam
promovetur. Solet autem, ut omnes novimus, offi-
cium sacerdotum esse circa salutis custodiâm, ca-

ramque animarum vigilare. Debet ergo investigatio nostra, debet et retractatio nostra circa salutaria, circa saluti obnoxia diligenter intendere, indesinenter insistere, ut sacerdotii dignitatem sibi meritis vindicent, et nominis honorem defensent. O quam digni sacerdotes! O quam idonei arcæ portatores, investigatio salutarium, retractatio salubrium! Horum sacerdotum officio ad Jordanica fluenta arcem nostram deferimus, cum per investigationis et retractationis studium ad desideriorum nostrorum considerationem nostræ contemplationis oculum reflectimus. Ad horum itaque ingressum arcæque accessum, videbis cursum Jordanis, imperiumque dissolutionis, primo lentescere, postmodum hærere, tandemque retrorsum redire. Absque dubio affectionis humanæ profluxum quanto perfectius insperieris, quanto plenius agnoveris, tanto profecto amplius miraberis, tanto vehementius detestaberis. Considera ergo frequenter, contemplare diligenter cordis tui luxum, desideriorumque profluvium. Vide ergo amorem tuum, unde quo currat, quo per desiderium tendat, vel unde per fastidium recedat, videbis quomodo de sublimibus ad ima labitur et de summis ad infima derivatur. Absque dubio cum haec cooperis diligenter inspicere, profundeque intelligere, incipies et pariter cuim Propheta proclamare: *Quid mihi est in cœlo, et a te quid volui super terram?* (*Psal. LXXII.*)

CAPUT III.

Quod' facilius est animum corrigere quam ejus intima penetrare.

Verum illud quanta putamus admiratione dignum, quantave jucunditate amplectendum, quod non vult Deus miraculum suum diutius differre, nec exspectationem nostram in longum protrahere, nec urget nos vel usque ad Jordanis ima descendere, et usque ad illud humani cordis inscrutabile profundum penetrare, antequam incipiat promissionem suam implore. Utique quoniam ipse cognovit segmentum nostrum, non vult nos diutinæ præstolationis mora suspendere, veraciter sciens quoniam pravum est cor hominis et inscrutabile. Quis enim digne comprehendat? quis explicare sufficiat quanta sit stultitia, quam infinita miseria, summa bona sponte deserere, infama bona avide querere, æterna gaudia fastidire, transitoria ardenter concupiscere, et pro perituriis præmia infinita perdere et mala æterna incurrere? Hujus considerationis incomprehensibilitas causa esse videtur cur a Domino usque ad hoc immensitatis profundum penetrare non cogimur, ne a nobis non modo difficultia, sed et impossibilia exigere videatur. Sed quid ait Scriptura? *Ingressis, inquit, sacerdotibus Jordanem, et pedibus eorum tinctis in parte aquæ, steterunt aquæ descendentes in uno loco et ad instar montis inumescentes apparuerunt procul* (*Josue iii.*). Animadvertis, obsecro, quomodo statim ad primam intinctionem pedum Jordanis incipit cohære cursum, et converti retrorsum? vix par-

A tem aquæ, ut audis, attigerant, et jam Jordanis fluenta impetum suum in seipsa retrorquebant.

CAPUT IV.

Quantum valeat cum profunda admiratione infirmitatis nostræ considerationi diutius inhærente.

Sed qui sunt isti, quæso, pedes sacerdotum, ad quorum intinctionem Jordanis convertitur retrorsum? Sed, si per sacerdotem recte intelligimus investigationem, quid rectius intelligitur per ejus pedem (quod est ejus corporis imum) quam investigationis profundum? Pes igitur sacerdotis est profunditas investigationis. Pedem ergo in aqua pone, est profunda investigatione occulta penetrare. Pes hujuscemodi in aqua tingitur, quando mens adventionis suæ subtilitatem miratur, et in sua admiratione delectatur. Quid enim est tingi, nisi affici? Quid est affici, nisi contemplari, mirari, delectari? Et quamvis investigationis nostræ pedes non usque ad gurgitis ima extendimus, quia desideriorum nostrorum errores nonnisi ex parte penetramus; ipsos tamen pedes, quamvis nonnisi in parte positos, multum intingimus, multum obstupescentes quod vix, vel ex modica parte comprehendimus. Debemus ergo cordis intima perscrutando eo usque saltem in aquas descendere, donec possimus investigationis nostræ pedes plene intingere, et animum nostrum super erroris nostri considerationem in admirationem et stuporem convertere. Nam hoc ipsum quod comprehendere possumus de stultiis et erroribus nostris, puto posse sufficere nobis intantum, ut Jordanis cursus sui impetum ultro cohibeat, et natus spontaneo in posteriora recurral, pristinæ consuetudinis devia damnans atque detestans, morum suorum lapsum sponte coercens, et in contraria dirigen-

C. Puto quia tunc temporis Propheta super aquas Jordanis intelligentæ suæ arcam levaverat, cum generali nec de suo tantum, sed de quolibet corde humano sententiam proferebat: *Universa vanitas omnis homo vivens* (*Psal. xxxviii.*) Videbat quorsum Jordanis fluenta currenter, cum per increpationem exclamaret: *Usquequo diligitis vanitatem et quæritis mendacium?* (*Psal. xiv.*) Videbat ubi cursum suum terminaret, et quam in mari desiceret, cum diceret: *In imagine pertransit homo, sed et frustra conturbatur* (*Psal. xxxviii.*) Profunde pedes in aqua tinixerat, cum in hanc admirationis vocem erumperet: *Quid enim mihi est in cœlo, et a te quid volui super terram?* (*Psal. LXXVIII.*) Puto quia ad hanc pedum intinctionem considerationisque admirationem, Jordanis ima desideriorum deserens in superiora redeat, fontemque repeatat intantum, ut dicat: *Renuit consolari anima mea; memor sui Dei, et delectatus sum* (*Psal. LXXVI.*)

CAPUT V.

Quomodo post plenam correctionem sui, animus ad aeternorum contemplationem introducitur.

Nemo ergo debet hoc ipsum quod comprehendendi valet de corruptionis suæ consideratione negligere, neque hoc negligenter, et quasi in transitu videre;

sed statim ad arcæ ingressum intinctionemque A pedum gressum ligere, morasque innectere, donec aqua superior crescat, inferiorque deficiat populusque Hebræorum totus pertranseat. Ut enim cœperimus vitam nostram retractare atque discutere, perscrutationisque nostræ pedes in aqua tingere, statim ut senserimus animum nostrum affici, et ad sui considerationem mirari et indignari, debemus in hoc admirationis nostræ spectaculo libenter immorari donec internorum amor intumescat, inferiorum autem omnino deficiat, totaque desideriorum nostrorum turba pertranseat, terramque promissionis spei suæ certitudine tangat et teneat. Tunc de inum, ut arbitror, tempus erit ut et ipsa intelligentiae nostræ arca promissionis terram intrare possit, cum votorum omnium voluntatumque plebem præmiserit. Prius enim necesse est bona Domini in terra viventium credere, sperare, diligere, multumque desiderare, quam detur nobis cognoscere et intelligere, facie ad faciem videre. *Nisi, inquit, credideritis, non intelligetis (Isa. vii).* Qui diligit me, inquit, dilgetur a Patre meo et manifestabo ei me ipsum (Joan. xiv). Manifestationem ergo præcedit dilectio, ut dilectionem sequatur manifestatio. Præcedat arcain affectionum turba, ut turbam subsequatur contemplationis arca. Prius oportet promissionis terram tenere per desiderium quam per intellectum. Puto quia Apostolus totam cogitationum affectionumque suarum multitudinem transegerat, cum dicebat: *Cupio dissolvi, et esse cum Christo (Philipp. i).* Quid enim sibi de hujus vita desideriis reliquerat, qui nec ipsam vitam præ nimio Christi desiderio diligebat? Inde est, ut arbitror, quod prævaluit contemplationis sue arcain in terram lacte et melle manantem introducere, ut videret bona Hierusalem omnibus diebus vita suæ, et ex revelatione Domini disceret quod oculus non vidiit et auris non audivit, nec in cor hominis ascendit. Mentior, si ipse non gloriatur hujusmodi hominem raptum usque ad tertium cœlum, et audisse ibi arcana verba, quæ non licet homini loqui

CAPUT VI.

Quod in futura vita post æternorum contemplationem, unius ad omne desiderii sui beneplacitum relaxatur.

Puto quia et nos ipsi post internæ familie tantæque multitudinis transitum cum cœperimus contemplationis nostræ arcain illuc introducere, et non jam per speculum et in ænigmate, sed facie ad faciem videre, cum tenuerimus actu quod interim tenuimus affectu, jam ulterius necesse non erit Jordani alvei sui fluenta suspendere, et cursus sui impetum renitendo cohibere. Absit, absit, cum corruptibile hoc induerit incorruptionem, et mortale hoc induerit immortalitatem; absit, inquam, absit, ut adhuc necesse sit castigare corpus, et in servitutem redigere, atque etiam tunc mortificari tota die: *Quando justi, Christo etiam testante, fulgebunt sicut sol in regno Patris sui (Matth. xiii), et tolletur impius ne videat gloriam Dei. Non nobis*

B omnino dicetur amplius: Nolite diligere mundum, nec ea quæ in mundo sunt, cum fecerit Dominus novum cœlum et novam terram, juxta quod ipsa creatura liberabitur servitute corruptionis in libertatem filiorum Dei. Et licet in creaturis decor sit tunc quam modo incomparabiliter major atque venustior, corporeisque oblectamentis dulcior, propensior atque jucundior, nihil erit quod concupiscentias spiritus imminuere possit in omnibus his quæ sensus corporeus attigerit. Nesciet concupiscentia carnis, nesciet concupiscentia oculorum, concupiscentias spiritus extinguiere, sed accendere; non refrigerare, sed acrius inflammare. Quidquid exterior, quidquid interior occurrit, spirituali animi, divinæ dilectioni alimenta ministrabit. Tunc absque dubio C animus delectabitur interior, et delectabitur exterior. Delectabitur in rebus spiritualibus, delectabitur in rebus corporalibus, et ingredietur, et egredietur, et pascua inveniet. Tunc revertentur aquæ Jordanis in alveum suum, et fluent sicut ante consueverant, Jordanis alveus commodi appetitus. In hujusmodi alveo aquæ Jordanicæ cum impetu feruntur, quia cordis desideria juxta commodi sui appetitum hoc illucque derivantur. Quo putas tendit hujusmodi decursus aquarum nisi in beneplacitum? Quid ergo est aquas ut ante consueverant currere, nisi beneplacitum sequi et apprehendisse? Naturaliter quidem omnis appetitus ad commodum trahitur, et hujus alvei ductum sequi in suo illic desiderio nemo prohibetur. Multa hic placent, quæ tamen non decent, et idcirco fieri non debent. Necesse est ergo in hac sæpe vita aquarum impetum cohibere, et concupiscentiarum violentiam viriliter frangere. Nihil illuc libebit, nisi et quod licebit. Nihil ergo obicit desideriorum fluenta pro voto effluere, et ad omne beneplacitum derivare. Hujus, ut arbitror, libertatis licentiam Propheta sperabat et suspirabat, cum psallendo proclamaret: *Voluntaria oris mei beneplacita fac, Domine (Psal. cxviii).* Sæpe et supra modum sunt alia voluntaria oris et beneplacita cordis. Quia alia mente concupiscimus, atque alia sunt ea quæ ore probamus. Alia sane sunt ea persæpe quæ placent ex sententia, atque alia ea quæ placent ex concupiscentia. Illa placent ex judicio, D ista ex desiderio. Illa ex diffinitione, ista ex delectatione. Rogat ergo Propheta ut eadem ipsa quæ sunt votiva, sint et beneplacita, ut in unum convenienter sibique semper occurrant, votum et beneplacitum, sententia et concupiscentia, iudicium et desiderium, diffinitio et delectatio. Voluntaria oris mei beneplacita fac, Domine, ut quidquid placet ex discretione placeat ex delectatione, et sola libeant ex delectatione quæ licent ex deliberatione. Transeat ergo, transeat populus Hebræorum; transeat et arca post ipsum in illam terram lacte et melle manantem, in supernam illam et sempiternam jucunditatem, ut tandem aliquando facie ad faciem videat, quod multo desiderio tantopere ante quiescerat. Transeat ergo grandis illa tot desideriorum turma;

transeat et theorica illa intelligentiae arca in illa interna et æterna gaudia, ut vel tunc Jordanis liberum cursum recipiat, et omnis humanus affectus licenter et libere in omne se beneplacitum volvat, et humanus animus (utpote summis spiritualibusque bonis firmiter immobiliterque inhærens) in rebus exterioribus et inferioribus nihil contradictionis inveniat. Ni fallor, illa quæ superius intuuerat unda, majori quam prius impetu in alveum suum recurret, et latius expandet, modumque pristine limitationis excedet; eo quod amor Verbi creaturarumque majoris incendii alimenta uberrima reperiat, et ob hoc quaquaversum ferventiori desiderio ad omnia ruat.

CAPUT VII.

Quomodo quidam in hac etiam vita ad æternorum contemplationem sublevantur.

Sed hoc quod de arcæ transitu legitur etiam in hac vita secundum aliquem modum impleri posse videtur. Probat hoc apostolicum illud testimonium quod et superius protulimus, quem adhuc talia dicentem in hac corruptibili vita degere non dubitamus. *Scio, inquit, hominem in Christo, sive in corpore, sive extra corpus, nescio, Deus scit, rapuum hujusmodi usque ad tertium cælum: et scio hujusmodi, quoniam raptus est in paradisum, et audivit arcana verba quæ non licet homini loqui* (*II Cor. xii*). Ecce ubi contemplationis suæ arcam introduxerat, qui in tertii etiam cœli secreta intelligentiae oculum fixerat. Puto autem quia nec ipse Paulus usque in id loci arcam levasset, nisi totam illam desideriorum suorum familiam illuc præmisset, instanti ut omnia arbitraretur ut stercora, ut Christum lucifaceret. Multi, ut arbitror, hanc de qua loquimur promissionis terram per meritum possident, qui illuc arcam suam juxta Pauli similitudinem introducere non valent, eo quod adhuc aliquos de interna illa affectionum suarum familia extra hanc terram per desiderium retinent. Sed, cum hæc omnis Hebræorum turba Jordanem transierit, cum et ipsa fœderis arca in terram promissionis subintroducta fuerit, quid, quæso, jam oberit cursum suum repetere, et juxta morem in alveum suum refluere: dummodo congrue utilitatis justæque necessitatis ripas non excedat, dummodo æquitatis molestiæque alveum sequens ad superfluae libertatis campum non effluat? Quid enim est Hebræorum turbam Jordanis alveum transisse, nisi cœlestia desideria et ad futuram gloriam tendentia carnis appetitum eo usque perdomuisse, quo jam ulteriori non possit ea irretire vel impedire? Et quidem antequam populus Domini cum Domini arca transeat, ne eorum transitum Jordanis unda præpediat, necesse est ejus decursum coercere, et carnis impetum frangere, et animum saepè etiam a necessaria concupiscentia avertere. Nunquam enim humanus affectus ad æternitatis desiderium perfecte inflammatur, nunquam humanus intellectus ad æternorum contemplationem plene acuitur, nisi carnis

A cura in rebus etiā licitis mulumque necessariis frequenter fortiterque repellatur. Eo usque ergo oportet corpus castigare et in servitatem redigere, donec ulterius jam non possit meritorum profectum ullatenus impedire. Sed postquam prætereuntem turbam arcamque comitantem transmisericet, inquantum spiritualibus exercitiis obviare non poterit, utilitatis suæ alveum sequi cuique licebit. Hinc est quod multos saepè jam vidimus mira prius abstinentia corpus affixisse, morbosque graves, imo incurabiles incurrisse, eosdemque ipsos post edomitam concupiscentiam, post acceptam divinitus gratiam, rigoris pristini frena laxare, et corpori suo in cibo et potu, in sommo et vestitu, multo amplius quam custodita sanitas postulasset indulgere. Nam hoc saepè spiritualibus studiis militat, quod vir plenus gratia corporis vires, inquantum utiliter potest, custodit, aut reparat. Cavere tamen debet qui sibi jam secundum hanc licentiam indulget, ne aquas nimis relaxet, ne utilitatis suæ alveum deserant, modestiæque ripas excedant, fluant saltem ut ante consueverant, de quibus scriptum est quod alvei sui ripas impleverant. Hoc, ut arbitror, soli illi bene facere neverunt qui jam ea quæ sursum sunt sapiunt, qui cœlestium dulcedinem jam degustaverunt, qui terrena fastidiunt, qui arcam suam in illam promissionis terram jam introduxerunt. Non potest, ut arbitror, ad perfectum exteriorum bonorum fastigium pertingere, qui interiorum bonorum dulcedinem nondum meruit gustando sentire. Puto quia Prophetæ nisi prius gustasset quam suavis est Dominus, et quam magna multitudo dulcedinis domus ejus, puto quia nisi hoc per experimentum didicisset, illud omnino ex sententia dicere non posset: *Renuit consolari anima mea* (*Psal. LXXVI*). Ne ergo semper necesse sit Jordanis cursum cohære, oportet arcam nostram in ejus ulteriora transponere; sed nec illud licet, nisi possimus omnem illam votorum nostrorum turbam præmittere.

CAPUT VIII.

Quod semper oportet per contemplationis studium prævidere quo debeamus per desiderium tenere.

Debet sane hæc arca nec ubique sequi, nec semper præmitti. In loco horroris et vastæ solitudinis turbam præcedat, in terram promissionis ingrediendi turbæ succedat. Præcedat ad nostra, subsequatur ad divina. Citra Jordanem, quæ pertinent ad nos; ultra Jordanem, quæ sunt supra nos. Illic jubemur discutere et approbare et postea tenere: *Omnia, inquit Apostolus, probate, quod bonum est tenete* (*I Thess. v*). Illic præcipimur credere, ut quandoque mereamur et intelligere: *Nisi credideritis*, inquit, *non intelligetis* (*Isa. vii*). Debemus ergo, quandiu adhuc in deserto sumus, quandiu per eremum iter agimus, arcam nostram ante nos præmittere, et subtiliter prævidere quo debeat virtutum familia per studium, vel per desiderium subsequendo tendere: *Ut possitis, inquit Dominus, videre, et nosse per quam viam ingrediamini, quia prius non ambu-*

lastis per eam (Josue iii). Hinc illud Sapientis sententiae concinuit, cum dicit : *Et palpebra tuae præcedant gressus tuos (Prov. iv).* Sed ad illa quæ ultra Jordanem sunt, quæ sensum nostrum excedunt, melius nitimur desiderio quam studio, affectu quam intellectu, eo quod jubemur turbam non arcum præmittere, meliusque sit in hac parte multum desiderare quam multum discutere, ut illuc mereamur introduci quo non valeamus virtute irrumpere. Qui enim scrutator est majestatis, opprimetur a gloria (Prov. xxv). Illic ergo præcedat, ut viam ostendat.

CAPUT IX.

De gemina imperfectione quas semper oportet præ oculis habere.

Sed nec illud quidem sermo divinus voluit tacite præterire, quanto viæ spatio debeat subsequentem turbam præire. Sit, inquit, inter arcum spatium cubitorum duorum millium. Vis scire quid sit arcum cum turba esse, vel quid arcum turbam præire? Cum quales per facta vel desideria sunus, diligenter contemplatione attendimus, arcum nostram nobiscum et quasi præsentem habemus. Cum vero quales nos esse oporteat subtiliter aspicimus, intelligentiæ nostræ arcum ante faciem nostram præmittimus, ut quo tendere necesse sit non ignoremus. Quis, quæso, gloriari potest, vel totum facere quod utiliter facere potest, vel totum posse quod fieri oporteret, si fieri potuisset? Sicut enim nec totum volunt, quod valent, sic nec totum valent, quod debent. Ergo ulterior est facultas quam voluntas, et necessitas louge remotior quam facultas. Præmittamus ergo arcum nostram, non solum usque ad considerationem nostræ possibilitatis, sed etiam usque ad speculationem necessariæ utilitatis, ut attendamus non solum quid melius facere possemus quam facimus, verum etiam quid melius fieri oporteret quam possumus. Quasi ergo cubitos mille arcum suam ante faciem suam præmittit, qui diligenter attendit, qui frequenter aspicit, ubi per ineritum esse potuisset, si de possibilibus sibi nihil negligeret. Sed usque ab duo millia cubitorum ulterius progrederit, qui non solum frequenter, sed pene indesinenter contemplatur, quam innumera non faciat, et quam innumera etiam non facere valeat, quæ fieri oporteret si ad illa adimplenda sua D virtus non succumberet. Cum aliquid fortiter agere volumus, cubitum nostrum extendimus, et ideo recte per cubitos virtutum exercitia intelligimus. Millenarius perfectionem significare solet, quia majorem numerum nostra computatio non habet. Duo ergo millia cubitorum, ut arbitror, geminam perfectionem designare videntur, integratatem videlicet voluntatis et plenitudinem fortitudinis. Sed quisquis neandum totum valet quod debet, sed nec totum quidem complet quod valet : utraque perfectione caret. Quid ergo est intelligentiæ suæ arcum usque ad duo millia cubitos ante seipsum præmittere, nisi prudenter prævidere quantum sibi desit de gemina perfectione, quarum neutrum nec-

A dum potest adimplere? Verum utique dicam quod sentio, illum solum hoc Dominicum præceptum implevisse puto; solum illum, inquam, existimo, arcam suam de duobus millibus cubitis præmississe, qui seipsum indicat geminæ perfectionis, nec saltem exordia hucusque apprehendisse. Nam, si vel unum quidem cubitum de tanto spatio, ambulando, accedendo, properando præcideret, et consummatæ perfectionis saltem sibi primordia arrogasset, duobus millibus cubitis retro post arcum seipsum removere non vidisset. O virum perfectum, summaque humilitate fundatum, qui semper potest et festinando proficere, et prolixiendo festinare, et hanc sibi semper humilitatem servare, ut semper in hono prossiat, et tamen semper nec perfectionis initia habere se credat! Grande spectaculum videre arcum præcedendo festinare, conspicere turbam subsequendo accelerare, et semper tamen tantæ interstitutionis modum ad invicem custodiare. Quanto promovetur arca, tanto amplius festinal et turba; et quo turba sequens amplius properat, eo et arca prædens iter suum accelerat. Sane perfectionis gratiam quanto melius agnoscimus, tanto ardentius et concupiscimus, et quo amplius accendimur ad amorem, eo perfectius illuminamur ad agnitionem. Semper inveniet vir justus quo possit eam ante se duobus millibus cubitis elongare, quia in hac vita nunquam possunt in unum concurrere velle, posse et debere. Hoc est futuri temporis, non vitæ præsentis. Ibi sane, sicut totum volet quod justè valebit, sic totum poterit quod jure debebit. Hic autem et actionem superat agendi facultas, et faciendi possibilitatem excedit debiti necessitas. Constat autem unum ex altero crescere; quia, cum crescit nostrum velle, crescit et posse, et cum utriusque incremento crescit et debere. Quia quo ardentius bonum appetimus, eo facilius efficiemus, et quo majora possumus, eo et majora debemus. Juxta hunc modum necesse est arcum semper in anteriora procedere, et subsequentem turbam post ipsam properare. Parum autem tibi esse debet qui ad terram properas præmissionis, quod arcum tuam ante faciem tuam præmittas, nisi iter tuum duobus millibus cubitis præveniat, et quo sequi debeas ostendat. Satage ergo in perfectionis tuae consideratione et contemplatione, eo usque in ulteriora penetrare, ut veraciter te credas saltem primordia, seu per effectum neendum attigisse.

CAPUT X.

Exemplum vel forma propositæ considerationis.

Vultis audire hominem duobus millibus cubitis post arcum iter legentem, et perfectioris vitæ nec saltem sibi primordia arrogantem? *Dum adhuc*, inquit, *ordirer, succidit me (Isa. xxxviii).* Non dicit dum adhuc texerem, sed, dum adhuc ordirer. Quid est ordiri, nisi præmeditari; et quid texere, nisi facere? Nempe quid aliud est texenda ordiri et texere ordita, nisi præordinare facienda et facere præordinata? *Dum adhuc*, inquit, *ordirer, dum*

ad huc præmeditarer, dum ad huc per meditationem quererem quid facere debuisse, et ne cum plene potuisse invenire, misit manum suam et succidit me. Nondum, inquit, aliquid texeram, ne cum bonum agere inchoaveram, non licuit mibi ordinare vitæ telam incipere; quia, cum ad huc ordirer, succidit me. Fateor quidem, jam bona facere proposueram, iam quomodo fieri possent disponebam, et jam telam meam ex magna parte orditus eram; sed, dum ad huc ordirer, succidit me, et non potui propositi mei telam, non dicam pertexere, sed nec inchoare. Quantus, quæso, vir iste fuit qui de se tam humiliter sentit, qui sibi nec boni saltem primordia arrogat, cum ad huc ordiri se credit? Nonne ille tibi ad huc ordiri videtur telam quam cum multis texerat, qui diligenter quæsivit ut inveniret, et videret quid esset utile filiis hominum, quo facto opus est sub sole, numero dierum vite sue? Nonne et sibi ipsi videtur ad huc ordiri, non texere, qui diu studuerat cognoscere rationem quam ad huc querit anima sua, nec potuit invenire? *Ecce hoc inveni*, dixit Ecclesiastes, *unum et alterum, ut invenirem rationem quam ad huc querit anima mea, et non invenit* (*Eccle. vii*). Quid boni, quid, quæso, magni, homo iste crederet se fecisse qui fatetur se quæsisse, nec tamen invenisse, quo facto opus esse sub sole numero dierum vite sue? Constat quia intelligentia arcum ante faciem suam præmisserat, qui quo per desiderium, vel actum sequi deberet quærebat. Sed reputat, ut arbitror, desideriorum suorum turbam quasi otio jam stare, qui rationem quam quærebat fatetur se nondum invenisse. An ad huc audiire desideras apertius hominem vix sibi boni exordia ascribentem, et quasi duobus millibus cubitis tunc post arcum legentem? Audi ergo quid dicat: *Et dixi: Nunc cœpi; hæc mutatio dexteræ Excelsi* (*Psal. lxxvi*). Vix eadem aliquando, inquit, cœpi, quod qui incepisse me credidi, vix sero cœpi fieri bonus de malo, justus de injusto. Qualem me inveni, talem me esse pronuntiavi, nec puduit imperfectionem meam consiteri; sed dixi: *Nunc cœpi; hæc mutatio dexteræ Excelsi*. Non dicit quondam, vel extune, sed nunc. Nec negat se modo cœpisse, ne putas eum plus quam duobus millibus cubitis post arcam remansisse. Vix cum quædam boni exordia tandem apprehendisse se memorat, ut juxta divinæ institutionis modum arcum suam se subsequi ostendat. Sed, ne quis eum vel hoc ipsum boni exordium sibi ascribere credit, audit quid huic sententiae adnectat hæc mutatio dexteræ Excelsi. Non sibi sufficere potuit ut diceret hæc mutatio Dei, nisi diceret hæc mutatio dexteræ Excelsi. Ipsum cui noluit hoc opus ascribere, maluit designare ex descriptione. *Excelsum dicit qui hoc fecit, et dexteram nominavit*. Ac si aperte dicat: Ille hoc fortiter fecit qui fortia potenter efficere consuevit. Erat sane in oculis ejus admirabile talem de malo ad bonum committere, qualem se meminit quandoque fuisse. Quid, quæso, illæ alias de perfectionis itinere

A confecisse se credit, qui omnes justitias suas panno menstruatæ mulieris comparavit? Habemus itaque quomodo debeamus arcum nostram ante faciem nostram ad certam mensuram præmittere, ut quantuncunque properemus, nunquam audeamus de duorum millium cubitorum spatio præsumptuosa existimatione aliquid minuere, arbitrantes nos semper vix primordia perfectionis attigisse. Debemus itaque quandiu in deserto sumus, in arcæ nostræ provectione, provectionis nostræ iter colligere, et quo per bona conversationis studium sequi oporteat, alia consideratione prænosse.

CAPUT XI.

De his quæ pertinent ad meditationem vel contemplationem, et quantum valeant ad virtutis promotionem talium captus.

Sed non est ejusdem facilitatis præsentis vita ordinem disponere, et futuræ gloriam æstimare, mentorum qualitatem discutere, et præmiiorum æternorum quantitatem pensare. Quæ enim in terra sunt difficile æstimabimus, et quæ in prospectu sunt inveniemus cum labore; quæ in cœlis sunt autem quis poterit investigare? Invenire itaque quæ in terra sunt, difficile, investigare autem quæ in cœlis sunt, impossibile. Hinc est quod Apostolus monet: *Noli, inquit, altum sapere* (*Rom. xi*). Merito ergo arca Domini nonnisi post Hebræorum introitum in illam promissionis terram introducitur, ut quo nostra intelligentia perscrutationis sue passibus irrumpere non sinitur, divinæ revelationis manuductione intromittatur. Nec tamen negamus de futura vitæ qualitate nonnulla, immo multa et magna esse quæ possumus et investigando querere, et ratiocinando invenire et argumentando construere. Invisibilia enim Dei a creatura mundi per ea quæ facta sunt intellecta conspiciuntur. Nequaquam ergo negligenda sunt quæ per investigationem inveniri possunt, sicut et illa ex nostra virtute non præsumere quæ nostram intelligentiam, et humanan rationem excedunt. Illa sunt secundum rationem, ista sunt supra rationem. Illa debemus alta perscrutatione diligenter inquire, ista debemus ex divina revelatione humiliiter exspectare. Illa pertinent ad meditationem, ista ad contemplationem. Nunquam animus ad æternorum bonorum desiderium plene accenditur, nisi qualia vel quanta sit studiose præmeditetur. Et, sicut nunquam sine ingenti desiderio ad eorum contemplationem sublevari meretur, ita sane in æternorum concupiscentias sine vehementi studio perfecte non inflammatur. Hinc est quod ante introitum Israel in promissum regnum, exploratores præmittuntur, et tamen nisi post turbæ ingressum arca non introducitur. Quid est enim exploratores ante introitum suum præmittere, et illius terræ in quam festinamus introire qualitatem sagaci perscrutatione velle prænosse; nisi mentis suæ cogitationes cœlestium bonorum exploratrices in invisibilium perscrutinium dirigere, et meditationes suas in id operis destinare.

ut per investigationem inveniat unde possit affectio-
num suarum turbam in eorum amorem urgere ?
Præmittamus ergo ante faciem nostram explora-
tores nostros, sicut et illi Israelite quondam præ-
misserunt suos, nec semel tantum, sed alios post
alios secundosque post primos. Quoties de futuris
bonis sperandis , seu promerendis subtiliter aliquid
quærimus , nuntios exploratores ante nos ipsos
præmittimus.

CAPUT XII.

De gemina præmeditatione, præmiorum videlicet et meritorum.

Sed aliud est quærere qualia, vel quanta, vel cuiusmodi bona debeat de meritorum retributione sperare, atque aliud studiose investigare quibus studiis vel exercitiis valebimus ea viriliter obtinere. Illud est primum, istud vero secundum. Primum investigare bona speranda, secundum bona facienda. Quis enim se ad laborum certamina fortiter accingat, nisi mercedis magnitudinem ex divina retributione prænoscat? Sed quid proderit aeternam retributionem credere et desiderare, nisi pari studio querat quis ut agnoscat quibus meritorum studiis possit eam acquirere? Necesse est ergo nuntios post nuntios præmittere, et exploratores alios post primos dirigere. Primi nuntii sunt exploratores præmiorum, secundi nuntii sunt exploratores meritorum. Illi sunt exploratores retributionum, isti sunt exploratores operum. Sic sane sunt alii exploratores, qui mituntur a Moyse, atque alii exploratores illi qui mituntur a Josue. Alii sunt quos præmittit Domini propheta, alii sunt quos præmittit Domini athleta. Aliud est officium prophetæ, aliud est officium athletæ. Prophetæ officium est prædicere futura, athletæ autem officium est præordinare facienda. Ad illum pertinet prænosse firmiter credenda, ad istum pertinet præmeditari fortiter agenda. Illud est præscientiæ, istud est providentiæ. Illius est prævidere, istius est providere. Quid est enim prævidentia, nisi exploratio futurorum? Et quid est providentia, nisi exploratio faciendorum? Habemus itaque duo genera exploratorum; utrumque negotiosum, utrumque necessarium. Primum videtur ad Moysen pertinere, secundum vero ad Josue. Juxta hanc itaque similitudinem cogitatuum nostrorum, alii debent esse futurorum prævisores, alii faciendorum provisores, utrique quidem occulторum exploratores, et ignotorum perscrutatores. Vultis audire hominem de futuris præmeditantem, juxta similitudinem Moysi, exploratores ante faciem suam præmittentem? Meditatus sum, inquit, nocte cum corde meo. Nunquid in aeternum projiciet Deus, et non apponet, ut complacitor sit adhuc? aut in finem misericordiam suam abscindet a generatione in generationem? aut oblitiscetur misereri Deus? aut continebit in ira sua misericordias suas? (Psal. lxxvi.) Vultis audire hominem de faciendis providentie, et ad Josue similitudinem exploratores ante se destinantem? Quid, inquit, retribuam Domino, pro omni-

A bus quæ retribuit mihi? (Psal. cxv.) Vultis audire unum de subtilibus exploratoribus, quid explorando invenerit, vel quid ad illam primam Prophetæ quæstionem ex sententia responderit? Abstergat, inquit, Deus omnem lacrymam ab oculis sanctorum, et jam non erit amplius neque luctus, neque clamor, sed nec ullus dolor, quoniam priora transierunt (Apoc. xxi). Ecce quam propitium Deum in futuro iste prævidit de quo David quærerit, an aliquando complacitor sit. Sed ad secundam, ut arbitror, explorationem respicit, quod alias invenit, unde et dicit: *Bonum est confieri Domino, et psallere nomini tuo, Altissime* (Psal. xci). Ad primos itaque exploratores pertinet negligentibus animis justa persuadere, ad secundos autem promptos animos et ad omnia paratos ad B agenda instruere. Attende ergo cujusmodi nuntia exploratores boni de regionibus illis reportare soleant, vel quantum ad erigendos animos valeant hæc ipsa quæ reportant, et stude alia quærere, et renuntiare, ut et tu valeas in similium concupiscentias audientium animos erigere, vox exploratoris est: *Opertet corruptibile hoc induere incorruptionem, et mortale hoc induere immortalitatem* (I Cor. xv). Vox exploratoris est: *Fulgebunt justi, et tanquam scintillæ in arundineto discurrent, judicabunt nationes, et regnabunt in æternum* (Sap. iii). Vox exploratoris est: *Quam magna multitudo dulcedinis tuæ, Domine, quam abscondisti timentibus te!* (Psal. xxx.) Nunquid nam putandus est iste explorator egregius terram illam lacte et melle manantem non intrasse, diligenter C que visam perlustrasse, cum intraturis in illam audet tam audacter promittere? *Inebriabuntur ab ubertate domus tuæ, et torrente voluptatis tuæ potabis eos* (Psal. xxxv). Nonne in his verbis in illam exploratorum sententiam concurrere videtur, ubi dicitur: *Intravimus, inquiunt, in terram ad quam misisti nos, quæ vere fluit lacte et melle, ut ex his fructibus cognosci potest* (Num. xiii).

CAPUT XIII.

Quomodo speculationi præmiorum oportet vehementius insistere.

Oportet, ut arbitror, huic explorationi quam alia
vehementius incuinbare, et primæ quam secundæ
meditationi frequentius insistere, eo quod facilius
sit discernere justa quam persuadere laboriosa.
DIlle esse, arbitror, quod filii Israel in prima lega-
tione mittunt plures, in secunda autem exploratione
mittuntur pauciores. Et merito sane. Siquidem in
prima perscrutatione, ut dictum est, sit exploratio
præmiorum, in secunda autem exploratione sit per-
scrutatio meritorum. Sed incomparabiliter majora
sunt futuræ beatitudinis præmia, quam possint esse
qualiacunque merita nostra. Non sunt enim condi-
gnæ passiones hujus temporis ad futuram gloriam,
quæ revelabitur in nobis. Multi ergo sunt qui mit-
tuntur primo, pauci autem qui mittuntur secundo.
Merito multi mittuntur, ubi multa queruntur, et ad
pauca querenda pauci diriguntur. Illic duodecim,
hic duos invenimus. Illic senarius, hic geminatus

unus. *Unitas a qua senarius inchoat, inchoationem recte designat, sicut et senarius pro sua perfectione, perfectionem designare constat.* Quod ergo ibi queritur est ad perfectionem, non ad inchoationem; quod autem hic invenitur, videtur esse ad inchoationem, non autem ad perfectionem. Ibi perfectio nostrae glorificationis, sed hic est, non nisi quædam inchoatio nostre justificationis. In illa glorificatione erit exinanitio omnium malorum et plenitudo omnium bonorum. Sed in hac nostra justificatione, nec est plena exterminatio viatorum, nec perfecta consummatio virtutum. Ibi plena securitas, perfecta jucunditas. Hic nec plena puritas, nec perfecta integritas. Ibi plena securitas, ubi nullum malum timeatur. Ibi perfecta jucunditas, ubi omne bonum possidetur. Hic nec plena puritas, ubi vitium reluctatur; hic nec perfecta integritas, ubi infirmitas dominatur. Ibi ergo ex gemina perfectione securitatis et jucunditatis una beatitudo consummatur, ut senarius duplicitur et duodenarius perficiatur; hic ex gemina imperfectione puritatis, et integratatis nostra justificationis inchoat, ut ex geminatione unitatis in duodenarii consummationem eterque senarius perfectionis suæ exordium capiat. Recte ergo in illa legatione duodecim exploratores mittuntur, ubi geminæ perfectionis beatitudo per investigationem queritur. Recte duo in ea delegatione diriguntur, ubi perfectæ justificationis vix quædam exordia inveniuntur. Denique duodecim sunt, si bene memini, qui mittuntur in prima exploratione, et duodecim sunt quæ jubentur explorare. Sed et duo sunt, qui in secunda exploratione mittuntur, et duo sunt quæ perscrutari præcipiuntur. Multa sunt quæ de prima exploratione dici possunt; sed hæc ut digne explicitur proprium syntagma requirunt.

CAPUT XIV.

Quod speculatio meritorum in duobus constat.

Sed ut de secunda latius aliquid dicamus, sufficit in ista exploratione illa sufficienter querere quæ ad illam propheticam admonitionem possint sufficere: *Declina a malo, et fac bonum (Psal. xxxvi).* Sufficit, inquam, solerter providere, quam caute mala caveamus, quam discrete bona perficiamus. Alia est præmeditatio in cavendis malis, alia præmeditatio in complendis bonis. Sed licet utraque sit alia, nulla tamen debet esse sine altera. Simul eant, simul currant, sibique invicem succurrant, et sine adjutorio alterutro negotium suum nunquam plene expleant. Hi sunt, ut arbitror, exploratores duo provida canella a malo, provida solertia in bono, quos debemus ante faciem nostram præmittere, et profectum nostrorum itinera prætentare: *Ite, ait Josue, et considerate terram et urbem Jericho (Josue ii).* Considerate, inquit, terram regionumque qualitatem, diligenter inquirite locorum opportunitatem, ut prænoscamus quo in loco opportunius possimus castra figere, ubi necessitatis articulo expediatur declinare, unde oporteat quotidianis usibus necessaria petere. Considerate ergo et inquirite quæque utilia, quæque

A opportuna et usibus necessaria. Considerate autem non solum bona, sed et mala, commoda et incommoda, munimenta et pericula. Considerate ergo terram et urbem Jericho. Considerate urbem, munitionum firmatatem, hostiumque multitudinem, ut scire possimus quomodo oporteat obsidionem ordinare, qualiter oppugnare, contra quales bellum agere. Inspicite ergo terram et urbem. Inspicite terram quam Deus fecit, et urbem quam humana inventio instituit. Discutite bonum quod Deus creavit ad bonum nostrum, et malum quod homo inventit in malum suum. Considerate terram et urbem, naturam et consuetudinem. Distinguite bonum creationis et malum corruptionis, bonum conditionis et malum consuetudinis. Si naturæ bonum cognoscimus, scimus quid excolare, quid nutrire, quid multiplicare debeamus. Si morum nostrorum malum perspicimus, quos hostes cavere, quos adversarios oppugnare, quales inimicos interficere oporteat non dubitamus. Ecce quales exploratores debemus ante ingressum nostrum præmittere, ut sciamus contra quæ mala cavenda, et ad quæ bona agenda debeamus vigilare. Qui tales exploratores ante faciem suam præmittit, errorum devia minime formidabit.

CAPUT XV.

Quid sit meditationis, et quid sit contemplationis.

Sed ille virtutum exercitus secure incedit, sibique de viæ certitudine nihil diffidit, quem exploratorum C sagacitas instruit, et arcæ ordinata antecessio in suo itinere dirigit. Parum nobis sit ante Hebræorum turbam exploratores dirigere; faciamus et arcam nostram post exploratorum vestigia faciem nostram præcedere. Primum est faciendorum rationem meditationum nostrarum explorationes perquirere et invenire, et postea tandem oportet in contemplationem adducere, ut possimus notam, et promptam, et familiarem habere. Contemplatio pertinet ad arcæ evectionem, sicut meditatio ad explorationem. Aliud est contemplationis, aliud est meditationis. Meditationis est perscrutari occulta, contemplationis est admirari perspicua. Siquidem meditatio est occultæ veritatis studiosa investigatio. Contemplatio est perspicuae veritatis jucunda admiratio. Quæ autem occulta sunt, solent ad manifestationem prodire, modo ex propria meditatione, modo ex divina revelatione. Ubi ergo revelationis gratiam præsentem habemus, meditationis officio non egemus. Ubi autem divina revelatio defuerit, mens humana, nec mirum, ad meditationis studium ex necessitate recurrit, et quasi ad exploratorum officia refugit. Sed quidquid mens humana de morum instructione poterit meditationum explorationis cognoscere, debet iterum in contemplationem adducere, et in eorum certitudinem et desiderium animum roborare. Sed cum meditationis adinventio in contemplationem adducitur, quid aliud quam via prius explorata ad arcæ evectionem repetitur, ut virtutum turma absque devia-

tionis suspicione secure subsequatur? Per meditationem itaque agitur, ut quidquid utiliter fieri debet non ignoretur. Sed et contemplatio illud efficiere solet, ut adinventa veritas memoriae tenacius infibereat, et desiderium acerius inflammet. Per me-

A ditationem ergo ad bonum instruimur, et per contemplationem in bono solidamur. Haec est ratio, ut arbitror, cur debeamus profectum nostrorum viam, et meditationis explorationem, et intellectualis arce processionem praetentare.

TRACTATUS TERTIUS.

Hucusque de boni promotione, abhinc de ejusdem confirmatione.

CAPUT PRIMUM.

Libet et illud considerare quid sit quod Dominus jubet de Jordani medio, de loco ubi steterunt sacerdotum pedes, lapides colligere, et in loco castorum ponere, et alias undecunque collectos in priori loco reponere. Quæramus ergo quis ille sit locus, quo sacerdotum pedes tempore faciendi miraculi subsistunt, vel quo itidem loco post celebratum miraculum castra figenda sunt. Quis dubitet supra humanam virtutem esse Jordanem retroire, et aquarum congeriem in unam molem consurgere? Quis, quæso, nisi mente excidat, tam stupendum miraculum de sua virtute præsumat? Ubi ergo debet animus sub tantæ rei exspectatione spem suam figere, nisi in fiducia divinæ magnificencie? Tutus stationis locus et magnæ securitatis, præsumptio de adjutorio divinæ pietatis. Sed est aliud locus loco huic valde dissimilis, subreptio videlicet dissidentiae et desperationis. Locus sane horridus, plenus timoris, plenus sollicitudinis, et qualem denique decet castris munire, vallo cingere, excubiis circumdare, eo quod non sit tutum propter inimicitia pericula in ultiora procedere. Illius primum tempore divinæ visitationis, istum autem tempore probationis incurrimus. Solet enim divinæ pietatis dispensatio hominem cum sua visitatione confortare, et iterum variotentationum genere probare: *Visitas*, inquit Job, *eum diluculo, et subito probas illum* (*Job viii*). Ecce duos locos assignavimus, unum confidentiae, alterum dissidentiae; unum quo solent divina miracula contingere, alterum quo oportet castra figere. Qui confidunt in Domino mutabunt fortitudinem, assumunt pennas ut aquilæ, current et non deficiunt. Nonne totum supra hominem est fortitudinem mutare, juxta aquile similitudinem volare, currere et non deficere? Sed hoc tamen soli ipsi possunt qui de Domini pietate, non de sua fortitudine præsumunt. Sic Petrus super undas currere potuit quandiu confidentiae locum spei pede tenuit (*Matth. xiv*). Sed postquam cœpit hunc suæ securitatis locum deserere, non potuit eum unda in superioribus suis amplius librare. Vides quomodo ventus validus superveniens de loco confidentiae ad locum eum dissidentiae dejicit, eo quod Dominus juxta morem suum visitasset eum diluculo, et subito probasset illum. Sic filii Israel post factum visumque miraculum, venerunt ad locum castrorum.

CAPUT II.

De confirmatione mentis in bono et obdurnatione mentis in malo.

Assignavimus differentiam locorum, videamus et duo genera lapidum. Puto esse unum genus lapidum honorum, puto esse et aliud malorum lapidum. Ad lapides bonos pertinet qualibet mentis confirmatio in bono; ad lapides autem malos, qualibet mentis obduratio in malo. Quid tibi videtur? Soliditas, stabilitas, firmitas, gravitas et multa in hunc modum, nonne tibi videntur quamdam in se lapidum similitudinem trahere, et pro similitudinis jure sibi tale nomen juste vindicare? Quid dicimus de cordis duritia, tenacia vel obstinatione? quid de asperitate, austerritate et crudelitate? Nonne sibi lapidis nomen defendunt quæ in se lapidum similitudinem trahunt? Sed priores illi pertinent ad lapides bonos, sicut et isti posteriores ad lapides malos. Sed puto non esse ejusdem facilitatis bonos vel malos lapides invenire, eo quod difficilius sit bonos lapides quam malorum copiam reperire. Omne enim pretiosum rarum. Boni ergo colliguntur de medio Jordani, mali autem de quibusunque locis. De illis Scriptura, ubi eos querere vel invenire oporteat, manifeste designat; de his autem adinventionis locum determinare quasi superfluum judicat.

CAPUT III.

De malo præsumptionis seu desperationis.

Sed illud videtur mirum magna admiralione dignum quod jubemur bonos lapides de bono loco collectos in malo loco reponere, malos autem lapides undecunque collectos in bono loco aggregare. Locus bonus præsumptio confidentiae, locus malus desperationis dissidentiae. Sed tamen debeamus in loco confidentiae congregare lapides malos, et in loco dissidentiae congregare lapides bonos. In die bonorum ne immemor sis malorum, et congregasti lapides malos in loco bono, et in die malorum ne immemor sis bonorum, et congregasti lapides bonos in loco malo. Quid enim est lapides bonos de medio Jordani (de loco videlicet facti prodigi) colligere, nisi statum mentis qualis tempore divinæ visitationis fuerit diligenter retractare, et cuius firmitatis secundum unamquamque virtutem exsisterit subtiliter investigare, memoriaque commendando quasi quedam testimoniū tumulum erigere? Sed nunquam talium lapidum

copiam habemus, nisi prius divine visitationis et inspirationis gratiam acceperimus. Testatur hoc qui dicit : *Sine me nihil potestis facere* (*Joan. xv.*); ergo nec lapides bonos est uspiam colligere nisi ex ejus operatione. Sed malorum lapidum innumeram multitudinem facile invenimus, quos ex tota vita nostra copiose ad manum colligimus. Quid ergo opus fuit horum locum designare, quos ubertim possumus uniuersum congregate? Cogitet ergo quisque cuius curitie, cuius obstinationis fuerit, quoties eum divina gratia deseruit, sibique ipsi reliquit: et hoc faciens malorum lapidum tumulum crexit. In hunc itaque modum possumus tumulos erigere, et diversos e diverso constituere, hinc unum de lapidibus bonis, illinc alium de lapidibus malis. Bonorum lapidum sibi congeriem instituit, qui dixit: *In æternum non obliiscar justificationes tuas, quia in ipsis riviſcasti me* (*Psalm. cxviii.*) Malorum lapidum tumulum creixerat, cum dicebat: *Quoniam iniqualatem meam ego cognosco, et peccatum meum contra me est semper* (*Psalm. l.*).

CAPUT IV.

Quomodo ex malorum nostrorum recordatione oportet præsumptionem reprimere.

Sic et tu cum locum confidentie te ipsum tenere præsenseris, et meritis tuis altiora præsumere perspexeris, memento statim quid aliquando fueris, et ad malorum lapidum congeriem oculos reflectens te ipsum in humilitate custodis. Bonum est sane præsumere, non de tua tamen fortitudine, sed de Domini pietate. Ad hoc malorum lapidum in loco bono congregatio cuique valeat, ut per malorum suorum memoriam nunquam de suis viribus præsumat. Ut ergo discat unusquisque præsumere, non de seipso, sed de Domino, semper sibi in præsumptionis loco occurrat malorum suorum recordatio: illa sane præsumptionis fiducia Dominum placat, et magnalia impetrat, quam humilitas commendat. Qui confidunt in Domino sicut mons Sion. Sic econtra abominabilis est illa præsumptionum fiducia quam generat superbia. Non enim salvatur rex per multam virtutem suam, et gigas non salvabitur in multitudine virtutis sue. Maledictus ergo homo qui confidit in homine, et ponit carnem brachium suum: erit enim sicut myrice in deserto, et non saturabitur cum venerit aestas, quam utilis ergo, putamus, erit in hujusmodi loco illa quam præscriptius malorum lapidum congregatio, vitiorumque recordatio, que nos poterit custodiare ab hoc execribili superbie typo, et protegere ab hujusmodi maledicto.

CAPUT V.

Quomodo ex bonorum nostrorum recordatione oportet desperationem repellere.

Sic sane periculo imminentे, tentatione superveniente, cum præsenseris animum tuum desperatione tangi, et ad dissidentiae locum dejici, et ad præsumitum castrorum locum devolvi, debes bonorum lapidum tumulum præsentem habere, et ad virtu-

A tum sp̄ræteritarn memoriam oculos reflectere, et ex earum recordatione spei tuæ fiduciam reformare. Sic Job rebus nudatus, filii vidiatus, ulcere percussus, cum se in loco castrorum deprehensum cerneret, et desperationis malo se pulsari præsentiret, ut dissidentiae malum temperaret, ad honorum lapidum acervum recurrit, et ex bonorum recordatione castra sua undique munit, et desperationis insultus fortiter repellit, cum dicit: *Oculus fui cæco, et pes claudio; pater eram pauperum, et causam quam nesciebam diligenter investigabam. Contrebam molas iniqui, et dentibus illius auferebam prædam* (*Job xxix.*) Sic et Ezechias sub necessitatibus articulo ad hujusmodi lapidum munimina recurrebat, cum de vita dissideret, et ex bonorum actuum suorum representatione, Domini misericordiam provocabat, precumque suarum obtentu, dissidentiae pericula propulsabat: *Memento, inquit, Domine, quomodo ambulaverim coram te in veritate et corde perfecto, et quod bonum est in oculis tuis fecerim* (*IV Reg. xx.*) Debemus itaque et nos prompti et familiare haberi sub omni tempore temptationis, anteactorum bonorum memoriam præsentem tenere et cum hanc consuetudinem in continuum usum ducriamus, quasi lapides bonos, et juxta divinum documentum electos in loco castrorum collocavimus. Nihil enim aliud est electos lapides in unum locum congregate, nisi divinæ confirmationis et corroborationis qualitates diligenter retractare, memorie que commendare, et nihil aliud est eos in loco castrorum fixisse, nisi hujusmodi memoriam in omni temptationis articulo firmiter assuevisse.

CAPUT VI.

De duodecim principalibus virtutibus in quibus solidandus est animus.

Hos autem de medio Jordanis alveo per Dei virtutem siccato, et ad numerum duodecim tribuum colligimus, quando statum mentis nostræ, qualis sub divine visitationis tempore fuerit, diligenter discentimus, et quales tunc temporis in unaquaque principalium virtutum, juxta aliquid fuerimus, subtiliter exquirimus. Hoc est enim singulos de singulis tribibus homines suum lapidem tollere, quantæ firmitatis, juxta aliquid ad singulas virtutes per aspirationis gratiam aliquando extiterit, veraciter invenisse. Quid autem de duodecim filiis Jacob sentiamus, ex quibus originem trahunt hæc duodecim tribus, alio loco jam diximus. Per Ruben et Simeonem intelligimus timorem et compunctionem; per Levi, spem; per Judam, charitatem; per Issachar, jucunditatem; per Zabulon, severitatem; in Gad intelligitur abstinentia; in Aser, patientia; in Dan et Nephtalim, circumspectio et speculatio; in Joseph et Benjamin, discretio et invisibilium contemplatio. Horum autem rationem hoc loco ostendere jam volumus, de quibus quod nobis rectius videbatur alias jam diximus. Sed qui ex tali sobole semen suum in duodecim tribibus multiplicatum esse confidit discat quales lapides de medio Jordanis tollere de-

buerit, cum hanc virtutum progeniem usque ad ejus A transitum promoverit. Recolat ergo quid roboris, quid fortitudinis vel firmitatis ad divinæ aspiratio- nis afflatum se senserit hausisse, hoc est et lapides electos de loco determinato tulisse. Sed ut per singulos de singulis tribubus homines hæc lapidum elecio fiat, hanc considerationis suæ operam per singulas quas distinximus virtutes exerceat, et lapi- dum suorum numerum usque in duodenarium ex- tendat. Cogitet ergo quisquis cupit post Jordanis conversionem hoc Dominicum præceptum implere; cogitet, inquam, sub tempore divinæ visitationis eius vigoris fuerit juxta aliquid in unaqualibet virtute. Cogitet quanta soliditas tunc temporis ei fuerit in timore, quanta gravitas in compunctione, quanta stabilitas in spe, quanta integritas in charitate, quanta maturitas in jucunditate, quanta asperitas in severitate. Cogitet quam austerus fuerit in abstinentia, quam robustus in patientia, quam sollicitus in circumspectione, quam assiduus in specula- tione, quam certus in discretione, quam quietus in contemplatione. Cum autem hæc omnia plene perspexerit memoræque mandaverit, tumulum qua- lem oportuit erexit. Infiniti negotii esset, et quod nemo omnino expiere potuisset, si juberet Dominus omnes de omnibus tribubus lapidem suum tollere, eo quod nemo sufficeret scipsum digne pensare, qualis sit ad omnia, non dicam in omni, sed una solummodo qualibet virtute. Sufficit ergo unum aliquod præclarum et insigne testus sui desiderium per omnes has quas determinavimus virtutes segregare, talisque memoriae usum firmare et in ejusmodi recordatione sub omni dissidentia periculo contra desperationis malum pugnare. Facile enim animum suum quantumlibet dejectum, quantalibet tentatione pulsatum, ad spem divinae miserationis statimque confidentiae reparat: qui qualis ali- quando ex divina operatione fuerit, ad memoriam revocat. Omnino et absque dubio libenter se exerceat in tali studio, cui datum est nosse quid valeat, vel quod utilis sit hæc hujusmodi lapidum studiosa collectio.

CAPUT VII. De soliditate timoris.

Quam utilem, queso, putamus illum lapidem quem primo loco posuimus, soliditatem videlicet timoris per quem mens fundatur in solido humilitatis. Quantum autem valeat Dominica illa sententia probat, que dicit: *Super quem requiescat Spiritus meus, nisi super humiliem, et quietum, et trementem sermones meos?* (Isa. lvi.) Ille est lapis offensionis et petra scandali, nisi forte dubites hunc esse lapidem quem reprobaverunt ædificantes, et factus est in caput anguli. Superbae etenim mentes, et suam justitiam statuere volentes, nil solent molestius pati, nihil amplius indignari quam apparere despe- cli et viles videri.

—

CAPUT VIII.
De gravitate compunctionis.

Sed et secundum lapidem, qui dictus est gravitas compunctionis, apud Jeremiam puto posse reperiri, qui petivit capiti suo aquas ut lugeat imperfectos populi sui (*Jer. v.*), et datum ei non dubito ab eo qui convertit petram in stagna aquarum et rupes in fons aquarum. Hanc eamdem petram apud Petrum puto inveniri posse, eo quod tactus dolore cordis intrinsecus egressus sit foras, et flevit amare, percutiens bis silicem, et egressæ sunt aquæ largissima, et factum est irriguum superius, et irriguum in- fierius.

B **CAPUT IX.**
De spei longanimitate.

Tertiam petram, quæ est longanimitas spei, apud Job non dubito posse reperiri, de qua sibi fundebat rivos olei, unde et lenibat dolores corporis sui. Spe- rabat enim usque ad mane inter tot dannos, doloru- mque vulnera, nunquam exhaustus oleo spei sua, nusquam diffidens de unctione divinæ misericordie: *Etiam si occiderit me, inquiens, in ipso sperabo* (*Job xiii.*).

CAPUT X. De charitatis integritate.

Quartam itidem apud Petrum petram invenio, cui dictum esse non dubitamus a Domino: *Tu es Petrus, et super hanc petram ædificabo Ecclesiam meam* (*Matth. xvi.*), eo quod diligeret Christum Domini ex toto corde suo, et ex tota anima sua, et ex tota mente sua, veraciter agnoscebat quod ipse esset Christus Filius Dei vivi. Ubi, obsecro, invenitur charitatis integritas si eam apud Petrum non reperias, qui coram cordum inspectore audebat prolixi et dicere: *Domine, tu scis quia amo te?* (*Joan. xxi.*)

CAPUT XI.

De maturitate jucunditatis.

Quintam autem petram apud populum illum esse dubitare quis audeat, quem Propheta Domini inter cætera prophetæ dogmata beatificat? *Beatus, in- quid, populus qui scit jubilationem* (*Psal. lxxxviii.*). Beatos utique esse quis neget, quos Dominus cibavit adipe frumenti, et de petra melle saturavit eos: jucunditatem etenim et exultationem thesanizavit super eos. Animadvertis, ut arbitror, quale sit etiam hunc lapidem inter cæteros possidere, qui fluit jucunditatis melle, et satiat intrante in gaudium Domini sui interna dulcedine. Quale, queso, erit quoties opportunum fuerit de petra melle saturari, et de torrente voluptatis in via bibere et in- chriari? Ille est quintus ille, ut dictum est, lapis, qui dictus est maturitas jucunditatis. Nil ergo levitatis habeat, nil ei caducum, nil carnale sapiat, ad magnum autem maturitatis gravitatem animum componat, qui solum hoc esurit et sitit, quod de hoc lapide manat.

CAPUT XII.

De asperitate severitatis.

Sed ille, ut arbitror, dimicabat in lapide sexto,

cui dictum est a Domino : *Ecce dedi faciem tuam A valentiorem faciebus eorum, et frontem tuam duriorem frontibus eorum, ut adamantem et ut silicem dedi faciem tuam* (*Ezech. iii*). Conterebat ergo Jeremias exasperante domum Israel in adamante et silice, eo quod esset attrita fronte et duro corde, stansque in porta domus Domini, annuntiabat eis scelera eorum, verba eorum non timens, nec vultus eorum. Hunc lapidem tenet in manibus rex ille fortis et potens in prælio, in quo dejectus est fortis armatus, et vir bellicosus ab adolescentia sua. Prævaluuit enim David in Philisthaeum in funda et lapide in nomine Domini. Vides certe qualibus armis ille adolescentulus et contemptus et statura pusillus dejecerit Goliath gigantem immanissimum, eo quod doctus esset a Domino doctas habere manus ad prælium et digitos suos ad bellum. Habebat sane arma non carnalia, sed potentia a Deo ad destructionem munitionum, et erat in eis pugnans et destruens omnem altitudinem extollentem se adversus scientiam Dei, et in captivitatem redigens omnem intellectum in obsequium Christi. Super omnes enim vocentes se intellexit, et idcirco fiducialiter annuntiavit justitiam Domini in Ecclesia magna, sicut et ipse de seipso de præterito perhibuit, et de futuro promittit : *Annuntiavi, inquit, justitiam tuam in Ecclesia magna, ecce labia mea non prohibeo : Domine, tu scisti* (*Psal. xxxix*). In promptu itaque habes ulcisci omnem inobedientiam, arguebat elatos, corripiebat inquietos, et in asperram increpationis lapide et correctionis asperitate dejiciebat veritatis adversarios. Et cum esset vir mitissimus in populo suo et mansuetissimus : *Memento, inquiens, Domine, David, et omnis mansuetudinis ejus* (*Psal. cxxxii*); cum esset, inquam, tantæ mansuetudinis, nihilominus tamen in matutino interficiebat omnes peccatores terræ, ut disperderet de civitate Domini omnes operantes iniuriam.

CAPUT XIII.

De austerritate abstinentiae.

Septimum lapidem diximus esse austerritatem abstinentiae. In hac petra pater Samson obtulit Domino holocaustum, et obtinuit gignere de sterili virum fortissimum virorum, ad ignominiam gentium, et gloriam plebis sue Israel (*Judic. xiii*). Puduit sane eum tandem aliquandiu pavisse sterilem, et quæ non parit, et ultius noluit, sicut nec debuit, debitor esse carnis, ut secundum carnem vivet, sed castigans corpus suum, et in servitatem redigens, hædinasque carnes in abstinentiae petra immolans, jusque carnium cum carnibus ipsis accepto coelitus igne consumens, fluxasque corporis restringens noluit de cætero ire post concupiscentias suas. Sieque, impetu carnis edonito, impetum spiritus roboravit, qui carnis infirmitate fit fortior.

CAPUT XIV.

De robore patientiae.

Post hos lapides sequitur robur patientiae : quem

A lapidem me recolo octavo loco annumerasse. Ecco lapis fortissimus, omniumque durissimus. Hunc lapidem tenet in manibus coelestis militæ signifer ille protomartyr Stephanus, et factus est ei turris fortitudinis a facie inimici. In hoc lapide lapidum se prementium sustinuit fortiter ictus, nec linuit lapidantium manus, nec eorum impetum, qui striabant dentibus in eum (*Act. vii*). O lapis fortis et durus, sed dulcedine plenus ! O pectus robustissimum, sed pietate plenum ! Miraris quilibet audis quomodo in patientia sua possedit animam suam, sed mirari potius debuisses quomodo animus sub tanta persecutionis amaritudine non amiserit dulcedinem suam. Ab inimicis premebatur, et pro inimicis precabatur. Sustinebat saevitiam humanam, et B suspiciebat gloriam divinam : *Ecce, inquit, video cælos apertos, et Jesum stantem a dextris virtutis Dei* (*ibid.*). In terris premebatur, et de cœlis consolabatur. Affligebatur ex illata miseria, affiebatur ex inolita misericordia, gratulabatur ex inspecta gloria. Ecce sub uno eodemque tempore videbat inferius unde compateretur, videbat superius unde jucundaretur. Ecce quomodo de eodem pectore manabat pietas cum jucunditate, jucunditas cum pietate. Ecce quomodo de eodem vase manat oleum cum melle, oleum pietatis cum melle jucunditatis. Quæ, quæso, est ista in lapide isto olei et mellis impermista confusio et inconsusa permisio ? Miror si non miraris quomodo pugnator fortis sub uno eodemque momento sugebat mel de petra oleumque de saxo durissimo. Mira virtus patientiae, et quis digne penset pretium hujus petræ, quæ in tanta copia distillat oleum cum melle ? Quanta, queso, olei et mellis copia inesse deprehenditur, ubi misericordia nulla malitia minitur, ubi dulcedo nullo dolore attenuatur ? Imo mirum in modum crescit ex dolore delectatio, et ex passione compassio. Martyr sane cum lapidaretur, magis miserebatur inimicis suis quam membris suis. Positis enim genibus orabat, dicens : *Domine, ne statuas illis hoc peccatum, quia nesciunt quid faciunt* (*ibid.*). Ecce quoad positionem genuum effusum est oleum, et de cætero velut oleum effusum factum est nomen suum. Siquidem ad miserationem inimici facta est effusio olei, intantum ut adolescens, qui eminus sedebat, respersus sit ex odore unguenti. Incurvato namque corpore et inclinato capite, cœpit oleum effluere, et factum est sicut unguentum in capite, et descendit in oram vestimenti ejus qui vestimenta servabat. Velociter ergo surgens, qui diu sederat in tenebris et in umbra mortis cœpit currere in odorem unguentorum, exultansque ut gigas ad currendum viam suam, quoquaque erat impetus Spiritus, illic gradiebatur, et de cætero factus est Christi bonus odor omni loco.

CAPUT XV.

De sollicitudine circumspiecionis.

Nonam petram invenio apud Ezechiam, invenio eam et apud amici sponsam, sponsique amicam, cui

dicitor in Canticis : *Surge, amica mea, speciosa mea, et reni, columba mea, in foraminibus petræ, in caverna maceriarum (Cant. ii).* Sic et Ezechias ad sponsæ similitudinem quietem eligens, secretumque captans, sedensque in foraminibus petræ, seu etiam caverna maceriarum, sicut pullus hirundinis, sic clamabat, meditabatur ut columba : *O quis mihi dabit pennas sicut columbae, et volabo, et requiescam, si forte possim evolare in id loci, ubi passer invenit sibi domum, et turtur nidum ubi reponat pullos suos!* Ubi, quæso, qui:quam tuti reperiatur, si in foraminibus hujusmodi petræ non invenietur, ubi studiosa præmeditatio quæcunque pericula, antequam eveniant, prævidet, et ventura præveniens, ex præteritis futura colligit, et de dubiis rebus non dubios eventus ssepe prænoscit? Quid enim est aliud circumspectio, nisi circumstantium malorum sollicita sagaxque perscrutatio? Ad hanc pertinet præteritorum malorum retractatio, præsentium consideratio, futurorum præmeditatio, ut secundum nomen suum veraciter sit circumspectio. Hujus assiduitas hominem cautum efficit, et quantum possibile est, tutum reddit.

CAPUT XVI.

De assiduitate speculationis.

Decimus lapis dictus est assiduitas speculationis. Jacob declinans a malo, dansque locum iræ, dum peregre profligatur festinans, ne fuga sua fieret hie me ante Sabbato, hunc lapide in itinere invenit, inventumque capiti suo supposuit, ne non haberet ubi caput suum reclinaret, dum in via obdormiret (*Gen. xxviii*). In hoc lapide in pace, in idipsum obdormit et requiescit, et in itinere requiem invenit, quam nec in cibiculis stratisque purpureis invenire possunt qui mollibus vestiuntur, et in dominibus regnum sunt. Reclinato itaque capite, Jacob in hoc lapide, clausisque oculis concupiscentiae (quos apertos legimus in primo parente), dum in hoc reclinatorio alta quiete sopitur, dum exteriorum omnium libenter obliviscitur, animus ejus ad interiora evigilat, videtque quæ prius vigilans et videns vide non poterat. Scala usque in cœlum portæta, ante ejus oculos erigitur, Dominusque innixus scalæ conspicitur, ut per invisibilem formam, invisibiliumque figuram, in intellectibilius intelligentiam, speculantis animus sublevetur. Felix cui visibilium scientia fit scala ad invisibilia cognoscenda. Pulchrum spectaculum videre hujus scalæ scalaria modo congruo, proportionabiliterque locata, et usque in summum ordinatae distinctionis continuatione producta, ut per multiplicem creaturarum differentiam, dignitatemque degradationem ordinate distinctam, distinque ordinatam, paulatim se animus ad superiora moveat, provectionisque gradibus semper ad altiora concendat, donec invisibilia Dei a creature mundi, per ea quæ facta sunt, intellecta conspiciantur, et Dominus innixus scalæ videatur. Quis, quæso, hoc, nisi in hoc reclinatorio dormiens videat, quis hoc evigilans efficeret, ut ascensionis suæ

A scalam usque in cœlum protenderet, et visibilium speculationi speculationem invisibilium continuaret? Quid quod in hoc ascensionis tramite angelicæ occurrence alludum sponte se ingerit, ut humanæ investigationi divina revelatio occurrat? Itaque videntur angeli in hac scala nunc ascendere, nunc vero descendere, et nunc ad summa, nunc ad ima animum erudire, ut in divinis et humanis multa, quæ per seipsum non poterat, ex divina revelatione cognoscat. Et possent quidem angeli sine scalæ ministerio pro desiderii sui arbitrio, sive in ima descendere, sive ad summa evolare, nec opus esset divinæ inspirationi in ulla revelationum suarum manifestatione ullius corporeæ similitudinis instrumentum querere, nisi vellet nos primo per speculum *scilicet* in ænigmate, et non statim facie ad faciem videre. Ascendunt itaque angeli in hac similitudinum scala atque descendunt, atque alii post alios modo accedunt, modo discedunt, ut dum multiplicium revelationum alia ingeritur, alia subtrahitur, speculantis animus multiformiter illuminetur, ut quæ simul pro intelligentiæ suæ exiguitate capere non poterat, succederent et per morarum intervalla sigillatum intelligat. Ecce quid inventiunt, qui in hoc lapide obdormiunt. Felices quibus vertitur in scalam, quod aliis solet esse in ruinam. Felices quibus exteriорum scientia fit scala ascensionis, non ruina dejectionis. Felices quibus scientia illa quæ inflat, non est ad inflationem, sed ad inflammationem ejus quæ edificat. Felices quibus temporalium pulchritudo fit æternitatis instigatio. Oportet ergo, ut animadvertis, caput in lapide reclinare, et in hujus speculationis desiderio animum obdurare, et huic studio pertinaciter insistere, qui cupit hanc ascensionis scalam invenire.

CAPUT XVII.

De certitudine discretionis.

Certitudinem discretionis undecimum lapidem diximus, quam si diligenter quererimus, citius apud Paulum invenimus. Tantum siquidem de discretionis dono confidit, tantum de consilii sui certitudine præsumit, ut fidenter consilium det, ubi Dominicum præceptum non habet: *De virginibus*, inquit, *præceptum Domini non habeo, consilium autem do* (*I Cor. vii*). Hinc est quod aliis seipsum in exemplum conversationis proponit, et vitam suam vivendi formam sequacibus ostendit, cum dicit: *Imitatores mei estote, sicut et ego Christi* (*I Cor. xl*). Et recte sanc eo quod statuerit Dominus supra petram pedes suos, et direxit gressus suos. Illiusmodi, ut arbitror, lapidibus viatorum illorum via strata erat, de quibus Propheta pro admiratione exclamat: *Quam speciosi pedes evangelizantium pacem, evangelizantium bona!* (*Rom. x.*) His, ni fallor, lapidibus magnus ille patriarcha Joseph, quem princeps populorum constituit dominum domus suæ, et principem omnis possessionis suæ, ut erudiret principes ejus sicut semetipsum, et senes ejus prudentiam doceret. His, inquam, lapidibus plateas *Egypti*

recte creditur stravisse, instantum ut non haberent filii Israel necesse servire in luto et latere omnibus diebus vita sua. Horum adhuc lapidum penuriam Prophetæ sustinebat, et sub magna discretionis inopia laborabat, cum adhuc fixus esset in limo profundi, eo quod nondum sibi constaret rati certitudo consilii, instantum ut Domino proclamaret et diceret: *Quandiu ponam consilium in anima mea?* (Psal. xviii.) Sed de hoc limi profundo nunquam plene emersisset, nisi hanc, de qua loquimur, petram tandem aliquando invenisset: *In petra, inquit, exaltavit, me, et nunc exaltavit caput meum super inimicos meos* (Psal. xxvi). Qui de hoc genere lapidum viam sibi non sternit, nunquam mundo incedit, nunquam stabiles gressus figit. Qui vult ergo firmiter et honeste incedere, debet nil omnino inconsulte agere, et quali debuit lapide constat sibi viam stravisse, et potest secure incedere. Omnia, inquit Sapiens, fac cum consilio, et nunquam penitebis (Eccl. xxxii).

CAPUT XVIII.

De quiete contemplationis.

Lapidem duo locum, omniumque novissimum invenire possumus, ut arbitror, apud Dominicum sepulcrum. Dictus est, ut superius est dictum, lapis is tranquillitas contemplationis. De hoc genere lapidum Ioseph ille ab Arinathæa sepulera sibi incidit, sed Iesus in eo mortuus quievit, quia quietem quam prudenter sibi per meditationem quererit, et per diffiniti ouem describit, sapientia per contemplationem invenit, et per experimentum apprehendit. Semper vera prudentia querit, et semper querere debet illam quam Christus docuit pacem, ut non turbetur neque formidet. Semper studet ubi talem pacem inveniat, semper nititur ut veram sibi securitatem defendat, sed semper invenit quod de praeterito doleat, quod in praesenti oppugnet, quod in futurum caveat atque pertimescat. Potest ergo animus hanc pacem per prudentiam solerter querere, et per meditationem subtiliter investigare, nunquam eam tamen nisi per sapientiam et contemplationis gratiam poterit invenire. Sed, cum cœperit animus per puram intelligentiam semetipsum excedere, et in illam incorporeæ lucis claritatem totus intrare, et in his quæ in intimis videt quemdam intimæ suavitatis saporem trahere, et ex eo intelligentiam suam condire, et in sapientiam vertere, instantum in hoc mentis excessu pax illa quæ neque turbatur, neque formidat, invenitur atque obtinetur ut fiat silentium in cœlo quasi hora dimidia, ita ut contemplantis animus nulla altercantum cogitationum tumultuatione turbetur: nihil omnino iuuenies, vel quod per desiderium petat, vel per fastidium arguat, vel per odium accuset. Ad summam itaque pacem componitur, qui in hoc lapide sepelitur, qui intra contemplationis tranquillitatem totus colligitur atque concluditur. Neque enim lapis iste sicut ille Jacob soli capiti supponitur, neque sicut ille posterior pedibus substernitur, sed toto

A corpori coaptatur atque applicatur. Hic itaque lapis totum corpus ambit, totum includit, et ab omni parte comprehendit, eo quod pax illa, quæ omnem sensum exsuperat, omnem sensum humanum funditus absorbeat, et in divinum quemdam habitum priorem animæ partem felici transfiguratione convertat. Jacet hic corpus sine sensu et motu in hoc Dominico monumento; nihil sensualitas, nihil agit imaginatio, et omnis inferior vis animæ proprio interim induitur officio.

B Non enim hoc lapideum monumentum (sic ut saxeum illud patriarchæ Jacob reclinatorium) suscipit corpus vivum, quamvis sopitum, nec recipit corpus nisi mortificatum. Aliud dormire, aliud est obire. Aliud spiritum suum totum in seipsum colligere, et aliud est supra se levare et seipsum deserere. Aliud est appetitum coercuisse, exteriorumque curam cordi excidisse atque aliud est ipsum sibi in oblivionem venire. Oportet ergo antequam introire licet in illud intimæ quietis secretum et summae tranquillitatis arcanum; oportet, inquam, ut fiat illa valde gravis et vere mirabilis, non dissolutio animæ et corporis, sed alia hac multo mirabilior multoque glriosior, illa denique, cuius ista est typus, divisio videlicet animæ et spiritus. Hanc autem operari in nobis solet sicut testatur Apostolus, vivus ille Dei sermo et efficax, et penetrabilior omni gladio ancipi, et pertingens usque ad divisionem animæ et spiritus. Quid, quæso, uspiam creaturarum hac divisione mirabilius cernitur, ubi id quod essentialiter unum est atque individuum in seipsum scinditur, et quod simplex in se et sine partibus constat a seipso dividitur atque separatur? Neque enim in homine uno alia essentia est ejus spiritus, atque alia ejus est anima, sed prorsus una eademque simplicisque naturæ substantia. Non enim in hoc gemino vocabulo gemina substantia intelligitur; sed, cum ad distinctionem ponatur gemina vis ejusdem essentiae, una superior per spiritum, alia inferior per animam designatur. In hac itaque divisione, anima et quod animale est in imo remanet; spiritus autem et quod spirituale est ad summa evolat. Quod corpulentum atque feculentum quasi corpus emortuum deficit, et recidit in se D et sub seipsum; quod subtile et defecutum est quasi spiritus efflatus ascendit, et transcendent intra, et ultra semetipsum. O alta quies, o sublimis requies, ubi omne quod humanus moveri solet motum omnem amittit, ubi omnis quietus est motus divinitus sit, et in Deum transit! Hic ille Spiritus efflatus, et in manus Patris commendatus non, ut ille somniator Jacob, scala indiget, ut ad tertium, ne dicam ad primum, cœlum evolet. Quid, quæso, scala indiget, quem Pater inter manus bajulat, ut ad tertii cœli secreta rapiat, instantum ut glorietur, et dicat: *Dextera tua suscepit me. Tenuisti manum dexteram meam, et in voluntate tua deduxisti me, et cum gloria suscepisti me?* (Psal. xvii.) Non ergo opus hic habet Spiritus

ille de medio sublatus officio scalæ, nec eget in illa A subtilitatis suæ ascensione sustentari aliquis corporeæ similitudinis adumbratione, ubi videt facie ad faciem, non per speculum, et in ænigmate. Menior si ipsi de seipsis non idem asserunt qui ejusmodi sunt : *Nos autem omnes, inquiunt, rerelecta facie, gloriam Domini speculantes, in eamdem imaginem transformamur a claritate in claritatem, tanquam a Domini Spiritu (II Cor. iii).* Vides certe quid agat, et intelligis, ut arbitror, quid valeat illa divisione animæ et spiritus, de qua superius jam diximus. Spiritus ab insinuis dividitur ut ad summa sublimetur. Spiritus ab anima scinditur ut Domino unitatur. Qui enim adhæret Domino, unus spiritus est. Felix divisio, et exspectatio separatio, ubi quod passibile, quo-l corruptibile dignoscitur, suis interim passionibus moritur, usque adeo ut nihil passibilitatis, nihil corruptibilitatis interim sentiatur; ubi et illud quod spirituale, quod subtile, usque ad speculationem divinæ gloriæ sublimatur, et in eamdem imaginem transformatur. Pars igitur inferior componitur ad summam pacem et tranquillitatem, pars C B autem superior sublimatur ad gloriam et jucunditatem. Sic faciem Moysi (superiorem sane corporis partem) a consortio Domini glorificata agnovimus, ita ut non possent filii Israel intendere vultum ejus propter claritatem ipsius. Quis, quæso, digne dicere, quis explicare sufficiat quid perfectionis in excessus sui glorificatione spiritus acquirat, quamvis peregrinationis sue protelationem usque in diem tertium non extendat, etiamsi silentiū moram usque ad dimidiā horam non producat,

licet eat et redeat in similitudinem fulguris coruscantis? Sic Moyses de consortio divini colloquii, cum clarificate vultu etiam cornua reportat, ostendens quid virtutis, quid fortitudinis de ejus contubernio contraxerit, qui dat virtutem et fortitudinem plebi suæ benedictus Deus. Redit ergo tandem, et revertitur ad se spiritus ille qui longe excederat supra se, et quod passibile et corruptibile posuerat, quasi impassibile et incorruptibile ad prioris status comparationem resumit, et in novitatem vitæ resurgit. Quid tibi videtur ad illatam injuriam hilarescere, ad objectam contumeliam non erubescere, de tribulatione gaudere? nonne hoc est in novitate vita ambulare, et secundum aliquem modum se ipsum impassibile ostendere, et suis passionibus non subjacere? Ecce quoque proficiunt qui in hoc lapide requiescant. Multa sunt quæ de hac materia dici potuissent, si hoc loco dici debuissent et moderata digressionis mensuram non excederent. Puto enim hoc novissimum genus lapidum omnium esse dignissimum atque pretiosissimum. Nullum tamen debemus spernere, sed singulos scilicet de singulis querere, et in unum congregare.

Notandum sane hoc esse primum opus, quod in terra promissionis fieri præcipitur, ut divinorum operum æternum memoriale primo omnium constitutur. Sine hoc enim lapidum cumulo, Dominica illa æternæ hereditatis promissio nunquam fortiter acquiritur, nunquam secure possidetur. Qui enim beneficiorum divinitus perceptorum obliviscitur, ad maiora obtainenda promoveri non meretur.

DE STATU INTERIORIS HOMINIS.

PROLOGUS.

Sero quidem misi quod petenti promisi. Sed necessitatis, non voluntatis, vir amantissime, fuit quod prius non feci quod prius quidem volui, sed multis occasionibus intercurrentibus, propositumque præpedientibus jussionem tuam expiere non potui. Unum quod mihi post tam multam promissionis meæ procrastinationem videbatur superesse, statui diuturnæ dilationis dispendia, saltem uberiore debiti senore recompensare. Inter hæc, amice, amici animum libeat perpendere: cui dulce fuit dulcis amici obsequiis diutius inhærente, et, ut suus labòr illius voluntati (non audeo dicere utilitatì) diutius militaret, compendiosum opus ex industria in longum protrahere. Sumpta igitur occasione scribendi, seu etiam regula dicendi ex illis Isaiae verbis, quæ meo tibi munere exponi postulasti, quedam de interioris hominis statu diffusius digessi. Deambulantis itaque, non itinerantis more brevis itineris compendia multiplici evagatione protracti, non locorum

amoena, sed verborum profunda, sententiarumque sublimia curiosa otiositate, et otiosa curiositate per lustrans simul et admirans. Quis enim merito non miretur vetustatis nostræ statum, sub tam compendiosa verborum brevitate plene comprehensum? Perpendite, obsecro, quam congruo ordine, quam miranda ratione prius vitia, postea peccata mystice describantur, ubi et remediorum contemptus abnegetur, in quibus tribus totius spiritualis corruptionis summa comprehenditur. Triplex vitium, triplex peccatum, triplex remedium: impotentia, ignorantia, concupiscentia. Tria hæc interioris hominis sunt vitia, quæ, cum consensum allicit, transiunt in peccata. Secundum hoc itaque triplex genus vitiorum est, et triplex genus peccatorum. Alia namque sunt peccata quæ per infirmitatem, alia quæ per errorem contrahimus, alia vero quæ ex sola perversa voluntate ultra committimus. Triplex remedium intelligimus in divinis institutionibus, in divinis comminationibus, in divinis promissionibus.